

四庫全書

子部

欽定四庫全書

子部

初學記卷二十五
六

詳校官中書_臣金應琦

負外郎_臣牛稔文覆勘

總校官檢討_臣何思鈞

校對官編修_臣莊通敏

謄錄監生_臣錢中鎰

欽定四庫全書

初學記卷二十五

唐 徐堅 撰

器用部

漏刻第一

敘事

梁漏刻經云漏刻之作蓋肇於軒轅之日

宣乎夏商之代周官曰挈壺氏以水火守之分以日夜

及冬則以火爨鼎水而沸之而沃之

鄭玄注曰冬水凍故以火炊水沸以

沃之謂沃漏也

梁漏刻經云至冬至晝漏四十五刻冬至之後

日長九日加一刻以至夏至晝漏六十五刻夏至之後
日短九日減一刻或秦之遺法漢代施用邯鄲五經析
疑曰漢制又以先冬至三日晝冬至後三日晝漏四十
五刻夜五十五刻先夏至三日晝夏至後三日晝漏六
十五刻夜三十五刻元嘉起居注曰以日出入定晝夜
冬至晝四十刻夏至夜亦宜四十刻夏至晝六十刻冬
至夜亦宜六十刻春秋分晝夜各五十刻今減夜限日
出前日入後昏明際各二刻半以益晝夏至晝六十五

刻冬至晝四十五刻二分晝五十五刻而已張衡漏水
轉渾天儀制曰以銅為器再疊差置實以清水下各開
孔以玉虬吐漏水入兩壺右為夜左為晝殷夔漏刻法
曰為器三重圓皆徑尺差立於水與跣蹠之上為金龍
口吐水轉注入跣蹠經緯之中蓋上鑄金為司辰具衣
冠以兩手執箭李蘭漏刻法曰以銅為渴烏以引器中
水於銀龍口中吐之事對權器 衡渠 李蘭漏刻法曰以器貯水以銅
為渴烏狀如鈎曲以引器中水於銀龍口中吐入權器
漏水一升秤重一斤時經一刻殷夔漏刻法曰漏水皆

於器下為金龍口吐出轉注入流珠把箭李蘭漏刻法曰以玉

壺玉管流珠馬上奔馳行漏流珠者水銀之別名張衡漏水轉渾天儀制曰以左手把箭右手指刻以別天時

早晚司辰典刻殷夔漏刻法曰自午至子亦五十刻壺口上有蓋其中水浮載箭出於蓋蓋上

鑄金人為司辰桓譚新論曰余為郎典刻漏燥濕寒溫旋轉異度故有昏明晝夜參以晷景銅史金

徒晉起居注曰孝武太元十二年有司奏儲宮初建未有漏刻恭詳永安宮銅漏刻置漏刻史張衡漏水轉

渾天儀制曰鑄金銅仙人星史金胥天文要集曰女居左壺為金胥徒居右壺史一星在柱下

西北女史轉漏動靜三鼓一鐘衛宏漢舊儀曰立夏立秋晝六十二刻夏

金胥見金徒注中至晝六十五刻夜漏不盡五刻擊五鼓夜漏不盡三刻擊三鼓鄺善長水經注曰洛陽金墉城東門曰含春門

北有退門城上西面列觀五十步
睥睨居屋置一鐘以和漏鼓也
九日
五夜司馬彪續漢書

曰霍融上言漏刻率九日增減一等不與天相應不如
夏歷合晷景刻漏四十八箭以晷景為刻少所違失衛宏

漢舊儀曰五夜甲夜
乙夜丙夜丁夜戊夜
賦晉陸機漏刻賦寸管俯而陰陽効其誠尺

表仰而日月與之期玄烏懸而八風以情應玉衡立而
天地不能欺既窮神以盡化又設漏以考時爾乃挈金
壺以南羅藏幽水而北戴擬洪殺於編鐘顯卑高而為
級激懸泉以遠射跨飛達而遙集伏陰蟲以承波吞恒
流其如挹是故來象神造去猶鬼幻口納胃吐水无滯
咽形微獨蠶之緒逝若乘天之電偕四時以合最指昏
明乎无殿夫其立體也簡而効績也誠其假物也粗而
致用也精積水不過一鍾導流不過一筵而用天者因
其敏分地者賴其平微聽者假其察貞觀
者借其明信探賾之妙術雖无神其若靈
梁鮑照觀漏

刻賦

佩流嘆於馳年纓華思於奔月結蘭苔於望楚弄參差以歌越撫疑肌於延帶監彫容於髡髮景有

墜而易昏憂无方而難歇歷玉階而升隄訪金壺之盈闕觀騰波之吞瀉視警箭之登沒箭既沒而後登波長瀉而弗歸注沉穴而海漏射懸途而電飛墜戶牖而知天拖雲霧而測暉創百齡於纖隱積千里于空微銘後

漢李尤漏刻銘

昔在先聖配天垂則仰釐七曜俯順坤德乃建日官俾立漏刻昏明既序景曜不忒

唐命義和敬授人時懸象著明帝以崇熙季末不虔德哀于茲挈壺失節流刻在詩南齊陸倕新

漏刻銘

夫自天觀象昏旦之刻未分治厯明時盈縮之度无準挈壺命氏逮哉義用揆景測辰徵宮戒

井宇以水火分茲日夜且今之官漏出自會稽積水遠方導流乖則六日无辨五夜不分於是俯察旁羅登臺升庫則于地四泰以天一建武遺蠹咸和餘舛金甯方員之制飛流吐納之規變律改經一皆懲革以考辰正

晷測表候陰不謬圭撮无乖黍累又可以校運筭之睽
合辨分天之邪正察四氣之盈虛課六律之疎密永世
貽則傳之无窮赫矣煥乎无得而稱也乃詔小臣為其
銘曰一寒一暑有明有晦神道无跡天工罕代乃置挈
壺是惟熙載氣均衡石晷正權概世道交喪禮衛消亡
遽遷水火爭倒衣裳擊刁舛次聚木乖方爰究爰度時
惟我皇方壺外次員流內集洪殺殊等高卑異級靈虬
承注陰蟲吐喙倏忽往來鬼神出入微若抽繭逝若激
電耳不輟音眼无流盼銅史司刻金徒抱箭合昏暮卷
冀英晨生尚辨天意猶測地精况我神造通幽洞靈配
皇等極為
世作程

帷幕第二事釋名曰帷圍也以自障圍也幕幕絡也在
表之稱也說文曰在旁曰帷在上曰幕廣雅曰帷幕帳

也歸藏曰昔女媧筮張雲幕而枚占神明漢書曰秦起咸陽而至雍離宮三百帷帳不移而具史記曰漢孝文帝所幸慎夫人帷帳不得文繡以示敦朴王忱魏書曰魏太祖雅性節儉帷帳壞則補納孫盛晉陽秋曰晉武帝令曰殿前及武帷織成帷不須施也又曰穆帝皇太后設紗帷於太極殿儀禮曰國君與卿圖事管人布幕於寢門外事對紫綃帷 青油幕

王子年拾遺記曰吳王孫權趙夫人善畫

巧妙无雙權居昭陽宮倦暑乃展紫綃之帷夫人曰此不足貴妾欲窮思慮能使下綃帷而清風自入視外无

有蔽礙列侍飄然自涼若御風而行沈約宋書曰劉瑀與顏峻書曰朱脩之三代叛兵也一朝居青油幕下作

謝宣明

羅幃

紗幕

魏文帝與繁欽書曰白日西逝清風赴聞羅幃徒祛玄燭方微

王子年拾遺記曰漢武帝李夫人死後常思夢之命工人作李夫人形或置於輕紗幕裏婉若生時帝大悅錦

帷

綈幕

典略曰孔子反衛見夫人在錦帷中孔子北面稽首夫人自帷中再拜王子年拾遺記曰

漢武帝以珊瑚為牀紫錦為帷又武帝好微行於池旁游宮以漆為柱鋪黑綈之幕器服乘與皆尚黑色運

籌

撰厯

史記曰漢六年正月封功臣張良未嘗有戰功高祖曰運籌帷帳中決勝千里外子房功

也劉歆與揚子雲書曰蕭何造律張蒼撰厯皆成於帷幕貢於王門

合疏縷

張綺羅

劉向

說苑曰晏子復於景公曰且合升斗之微以滿倉廩合疏縷之緯以成帷幕葛洪神仙傳曰淮南八公詣淮南

王安門皆鬚眉皓素王欲少者八公皆成十五六童子
門吏以白王聞之不及履即出迎之以登思仙之臺張
綺羅之幕設

象牙之席

然明誦

延年寢

東觀漢記曰張奐字然明使匈奴休屠及朔方

烏桓並同反叛遂燒度遼將軍門列屯赤地煙火相望
兵衆大恐各欲亡去奐安坐帷中與弟子誦書自若軍
士稍安漢書曰江都王劉延年為

詩南齊王融詠幕詩

幸得與珠綴羃屋君之楹月映不辭卷風來輒自輕
每聚金鑪氣時駐玉琴聲但願置樽酒蘭缸當夜明

屏風第三

事釋名

曰屏風障風也屨在後所依倚也禮

記曰天子當屨而立

鄭玄注云屨屏風

又曰天子負斧屨南鄉而

立

鄭玄注云斧屨為斧文屏風於戶牖之間

周禮曰掌次張皇邸

鄭玄注云邸後板也

其屏風邸染羽
像鳳皇以為飾

謝承後漢書曰鄭弘為太尉時舉第五

倫為司空班次在下每正朔朝見弘曲躬自卑上問知

其故遂聽置雲母屏風分隔其間由此為故事魏志曰

太祖平柳城頒所獲器物有素屏風持以賜毛玠曰君

有古人之風故賜君古人之服齊書曰襄陽盜發古塚

得玉屏風吳均齊春秋曰宜都王鏗年十歲與吉景曜

商略先言往行左右誤排柵瘤屏風倒壓背色貌不異

言談不輟王子年拾遺記曰董偃設紫琉璃屏風西京

雜記曰廣川王去疾發魏哀王家有石屏風又昭陽殿

木畫屏風如蜘蛛絲縷事對綠沉

白字

宋元嘉起居注曰十六年

御史中丞劉楨奏風聞前廣川刺史韋朗於廣州所作銀塗漆屏風二十三牀又綠沉屏風一牀請以見事追韋朗前所居官王琰宋春秋曰明帝性多忌諱禁制迴避者數十百品亦惡白字屏風書古來名文有白字輒加改易玄黃朱紫隨宜代焉

雲母

火齊

西京雜記曰趙飛燕為皇后其女弟上遺雲母屏風

椰葉席九華扇拾遺記曰董偃嘗卧延清之室上設火齊屏風列靈贗之燭

納妃二合

列

女四堵

晉東宮舊事曰皇太子納妃梳頭屏風二合四牒織成地屏風十四牒銅鑲紐劉向七略別錄

曰臣向與黃門侍郎歆所校列女傳種類相從為七篇以著禍福榮辱之效是非得失之分畫之於屏風四堵

孫亮鏤瑞

季龍畫仙

崔豹古今注曰孫亮作琉璃屏風鏤作瑞應圖一百二十種陸

翹鄴中記曰石季龍作金鈿屈膝屏風衣以白縑畫義士仙人禽獸

畫如蛛絲

玉爲龜

甲

蛛絲見叙事中郭子橫洞冥記曰上起神明臺上有金牀象席雜玉爲龜甲屏風

賦漢劉安

屏風賦

惟斯屏風出自幽谷根深枝茂號爲喬木孤性陋弱畏金彊族移根易土委伏溝瀆飄飄危殆

靡安措足思在蓬蒿林有樸樸然常无緣悲愁酸毒天啟我心遭遇微祿中郎繕理收拾捐朴大匠攻之刻雕

削斷表雖剝裂心實貞慤等化器類庇蔭尊屋列在左右近君頭足賴蒙成濟其思弘篤何惠施遇分好沾渥

不逢仁人

芊勝屏風賦

屏風鞞匝蔽我君王重葩累繡沓壁連璋連以文錦映以

永爲枯木
流黃畫以古烈顯顯昂
昂蕃后宜之壽考无疆

詩隋蕭慤屏風詩

秦皇臨碣石
漢帝幸洞庭

非關重遊豫直是愛長齡讀記知州所觀圖見岳形曉
識仙人氣夜辨少微星服銀有祕術薰丹傳舊經風搖
百影樹花落萬春亭飛流近更白叢

竹遠彌青道遙保清暢因持悅性情周庾信詠屏風詩

高閣千尋跨重簷百尺齊雲度三分近花飛一倍低
吹簫近白鶴照鏡舞山雞何勞愁日暮未有夜烏啼又

詩三危出鳳翼九阪度龍鱗路高山裏樹雲低馬上人
懸巖泉溜響深谷鳥聲春駐馬來相問應知有姓秦

銘後漢李元銘

舍則潛避用則設張立必端直處必廉方
雍闕風邪霧露足抗奉上蔽下不失其常啓

梁簡文帝謝賚碧慮綦子屏風啟

臣綱啓宣詔王佛慧
奉宣勅旨垂賚碧慮

綦子屏風二十牒極班馬之巧兼曹史之慮均天台之
翠壁雜水華之嘉名使雲母之窓慙其麗色琉璃之扇
愧其含影仰降聖慈曲垂霑逮喜遂恩來歡同鳳舞言
因謝盡更類三緘不任銘荷之誠謹奉啓謝以聞謹啓

簾第四

事叙

釋名曰簾廉也自鄣蔽為廉耻也廣雅云幌

帙

必依反下音擔

幰也揚雄方言曰宋魏陳楚江淮之間箔謂

之箔或謂之麴自關而西謂之箔南楚謂之蓬箔說文曰曲受物之形也西京雜記曰漢諸陵寢皆以竹為簾

為水文及龍鳳像晉東宮舊事曰簾箔皆以青布緣純

謝綽宋拾遺記曰戴明寶歷朝寵倖家累千金大兒驕淫

為五色珠簾明寶不能禁孫卿子曰局室蘆簾豪尊可

以養形事對神屋白珠

靈閣翠羽

漢武故事曰上起神屋以白珠為簾

箔玳瑁押之象牙為蔑洞冥記曰漢武帝二十年起招靈閣翠羽麟毫為簾 昭陽珠簾 明

光玉箔

西京雜記曰昭陽殿織珠為簾風至則鳴如珩珮之聲三秦記曰明光宮在漸臺西以金玉珠

璣為箔

詩唐太宗皇帝賦簾詩

參差垂玉牖舒卷映蘭宮珠光搖素月竹

影亂清風彩散銀鈎上文斜桂

南齊虞炎詠簾詩

青軒明月

時紫殿秋風日瞳眈引光暉曖曖映容質清露依檐垂蛸絲當戶密寨開誰共臨掩晦獨如失

隋盧思

道賦得珠簾詩

鑑帷明欲斂照檻色將晨可憐疎復密隱映當窓人浮清帶遠吹含光動細塵

落花時屢拂會待玉階春

牀第五

叙

釋名曰牀裝也所以自裝載也揚雄方言曰

齊魯之間謂之簀

林板也

陳楚之間或謂之第其杠北燕

朝鮮之間謂之樹自關而西秦晉之間謂之杠南楚之間謂之

趙東齊海岱之間謂之梓

音

說其上板衛之北郊趙魏之

間謂之牒廣雅曰棲謂之牀浴牀謂之招

音韶

說文曰牀

身之安也簀牀輶也第牀簀也杠牀前木也服虔通俗

文曰牀三尺五曰榻板獨坐曰杵八尺曰牀天文集曰

紫宮門外有天牀六星戰國策曰孟嘗君出行五國至

楚獻象牙牀西京雜記曰武帝為七寶牀設於桂宮晉

東宮舊事曰皇太子納妃有素栢局脚牀八板牀漆牀
鄴中記曰石季龍御牀殿方三丈有轉關牀射鳥獸神
仙傳曰衛叔卿入華山上有紫雲鬱鬱白玉為牀商子
曰人主處匡牀之上而天下大理燕書曰公孫鳳隱於
昌黎九城寢土牀宋書高祖嘗患體熱有獻石牀乃碎

之惡勞人也事對珊瑚

瑋瑁

漢武帝內傳曰武帝受西王母真形六甲靈飛

十二事帝盛以黃金几封以白玉函以珊瑚為林紫
錦為帷安著栢梁臺上西京雜記曰韓嫣以瑋瑁為林象

牙麋角

象牙已具叙事異物志曰麋狼形似鹿而角觸前向入林則挂角故恒在平淺草中遂入

林則得之皮可作履襪角
正四據南人因以作踞牀
六星
七寶
六星已具敘事
中魏收後魏書

韓武字道威除龍驤將軍郢
州刺史嘗獻七寶象牀牙席
坐穿
卧陷
皇甫謐高士
傳曰管寧字

幼安自越海及歸常自坐一木榻積五十餘年榻上當
膝處皆穿劉向列仙傳曰脩羊公在華陰山石室中有

懸石榻其上
盡穿陷也
神女金
仙人石
馬明生別傳曰明生隨
神女入室中卧金牀玉

几鄰善長水經注曰夷水右經石室南村人駱
都小時到此室遶採蜜見一仙人坐石牀上
詩後梁

宣帝牀詩
衡山白玉鏤漢殿珊瑚支
踞膝申久坐屢好為頻移
梁庾肩吾詠胡牀

應教詩
傳名乃外域入用信中京足歌形已正文斜體
自平臨堂對遠客命旅誓初征何如淄館下淹

留奉
盛明
銘後漢李尤卧牀銘
體之所安寢處和歡
夕惕敬慎崇德遠奸

席第六

叙事

釋名曰席釋也可卷可釋也說文曰筵竹席

也三禮圖曰士蒲筵長七尺廣三尺三寸無純周禮曰

玉府掌王之衽席

衽席
草席

司几筵掌五几五席之名物凡

大朝覲設莞席紛純加縹席畫純加次席黼純諸侯祭

祀席蒲筵續純

紛白綉也純緣也次獸皮為席也縹席
削蒲弱編以五采若今合歡矣畫謂雲

氣也次席桃枝
席有次列成文

韓子曰夏禹為茵席蔣席尚書曰成王將

崩牖間南嚮敷重篋席黼純

孔安國注篋
桃枝竹也

西序東嚮敷

重底席綴純

底弱
華也

東序西嚮敷重豐席畫純

豐莞
也

西夾

南嚮敷重筍席玄紛純

筍弱竹也

漢書文帝莞蒲為席大魏

諸州記曰鉅鹿廣阿澤多葦出細御席多雲母晉東宮

舊事曰太子有獨坐龍鬚席赤皮席花席經席史記曰

古者封禪席粗楷漢舊儀曰祭天紫壇紺席六采綺席

祭嶽白菅席事對五香

六采

鄴中記曰石季龍作席以金裹五香雜以五采

綫編蒲皮緣之以錦六采

席所以祭天已具叙事

茅葭

蓍艾

周斐汝南先賢傳曰鄭敬以茅

葭為席常隨杞柳之陰皇甫謐高士傳曰老萊子親沒隱蒙山之陽杞木為林蓍艾為席

碧蒲白

莞

拾遺記曰周穆王時西王母來敷碧蒲之席黃莞之薦宋元嘉起居注曰御史中丞劉楨奏風聞廣州刺史

韋朗於府州部所作新白莞席三百二
十領請以見事追韋朗前所居官
迴風 半月 見屏

風事對中拾遺記曰薄乘草高五丈葉色紺莖如金形
如半月之勢亦曰半月草无花无實其質溫柔可以為

布為
馮銘 張賦 馮衍席前右銘曰修爾容貌飾爾衣
服文之以辭實之以德後右曰冠帶

之貳從容有常威儀之華惟德之英張隱文士傳曰張
純與張儼朱異俱少往見驃騎將軍朱據據聞三人才

名欲試之告曰吾欲各賦一物純乃賦席曰
席為冬設葦為夏施揖讓而坐君子攸宜
黼黼純 麟

鳳飾 黼黼純已具叙事拾遺記曰燕昭王設麟文席散
荃蕪香鱗文者錯雜寶飾席為雲霧麟鳳之狀

戴益五十 殷重八九 謝承後漢書曰戴憑字次仲汝
南郡舉明經徵博士拜郎中正

席以益通者憑重五十席殷氏家傳曰殷亮為博士講
席朝賀帝令羣臣說經史更相詰難義有不通轉奪其

學大夫諸儒論勝者賜席亮坐詩南齊謝朓詩本生潮

八九重席帝曰學不當如是耶詩生地落

景照參差汀洲蔽杜若幽渚奪江蘿遇君時採擷玉座奉金卮但願羅衣拂无使素塵彌梁柳惲詩

照日汀洲際搖風淥潭側雖無獨蠶絲幸有青袍色羅袖少輕塵象牀多麗飾願君蘭夜飲佳人時宴息銘

後漢李尤銘施席接賓士无愚賢晉傅玄銘銘席之左

勿極其歡右端曰寢處毋忘其患左後曰居其安無忘其危右後曰惑生於邪色禍成於多言

扇第七事叙揚雄方言曰扇自關而東謂之箒自關而西

謂之扇世本曰武王作翬崔豹古今注曰舜廣開視聽求賢人以自輔作五明扇漢公卿大夫皆用之魏晉非

乘輿不得用又曰殷高宗有雉雉之祥服章多用翟羽
故有雉尾扇周制以為王后夫人車服輦車有翼即緝
雉羽為扇以鄣翳風塵也漢乘輿服之後以賜梁孝王
魏晉以來以為常唯諸王皆得用之西京雜記曰天子
夏設羽扇冬則設繒扇晉東宮舊事曰皇太子初拜供
漆要扇青竹扇黃竹扇納妃同心扇三十單竹扇二十
謝靈運晉書孝武節奢飾禁絹扇事對雉尾 鵲翅
雉尾
具叙事拾遺記曰周昭王時塗脩國獻青鳳丹鵲各
一雌一雄孟夏取鵲翅為扇一名條融一名反影 象

牙 翟羽

象牙長丈餘脫則深藏作木牙易之可作扇翟羽見叙事

白羽

黃竹

裴啓

語林曰諸葛武侯持白羽扇指麾三軍黃竹具叙事

六角

二面

沈約晉書曰王羲之在會稽山

見一老姥持十許六角竹扇義之因書扇各作五字語燒云道是王右軍書字索百錢郭中記曰石季龍作雲

母五明金薄莫難扇此一扇之名也薄打純金如蟬翼二面采漆畫列仙奇鳥異獸其五明方中辟方三寸或

五寸隨扇大小雲母帖其中細縷縫其際雖掩盡而彩色明澈看之如謂可取故名莫難也季龍出時以扇挾

來

五明

九華

五明具叙事西京雜記曰趙飛燕為皇后其女弟上遺九華之扇

白綺

綠沉

班孟堅集有白綺扇之賦郭中記曰季龍出時乘輿用桃枝扇或綠沉色或木蘭色或紫紺色

或鬱
金色仲祖畫

逸少書

曹毗扇譜序曰會稽王仲祖畫扇為郭文舉見命為譜王羲之

字逸少已見
六角注中

賦晉陸機羽扇賦

彼凌霄之偉鳥播鮮輝之輕舊隱九臯以

鳳鳴游芳田而龍見醜靈龜而遠期超長年而久眎累懷璧於美羽挫千歲乎一箭委四體以受制奏雙翅而為扇則其布翮也差洪細秩長短稠不逼稀不闌於是鏤巨獸之齒裁奇木之榦移圓根於新體因天秩乎舊貫鳥不能別其是非人莫敢分其實曆翮嫵嫵以微振風颺颺以垂婉妙自然以為言故不積而能散其在手也安其應物也誠其招風也利其播氣也平混貴賤而一節風無往而不清

梁江淹扇上綵

畫賦

纖素麗於白日傳畫明於綵虹洛陽之技極江南之巧窮故飾以赤野之玉文以紫山之金空青生

蛾眉之陽雌黃出嶠冢之陰丹石發王屋之岫碧髓挺青峻之岑粉則南陽鉛澤墨則上黨松心乃雜族以為此扇與君翳素女與玉琴玉琴今珠徽素女今錦衣促織兮始鳴秋蛾兮初飛重曰碧臺寂兮無人蔓丹草與朱

塵度俄然如一代經半景若九春詩南齊丘巨源詠七
命幸得為綵扇出入玉帶與綺紳

寶畫圖扇詩

妙鵠貴東夏巧技出吳閨裁狀白玉壁縫
似明月輪表裏鏤七寶中銜駭難珍畫作

景山樹圖為河洛神來延揮握玩入與鏤釧親生風長
袖際睇華紅粉津情盼迎驕意隱映含歌人時移務忘
故節改競存新春情隨象簞舒心梁何遜詠扇詩如珪
謝錦茵厭歇何足道敬哉先後晨

玷學月且為輪機杼靡蕪妾裁縫篋笥人搖風陳周弘
入素手招曲掩丹唇羅袖幸時拂微芳聊可因

正詠班竹掩團扇詩

齊紉將楚竹從來本相遠讚宋謝
將申湘女悲宜並班姬怨

惠連白羽扇讚

惟茲白羽體此濺潔涼齊清風素同冰
雪其儀可貴是用玩悅揮之襟袖以禦

炎歌王獻之桃葉團扇歌

七寶畫團扇燥爛明月光
與郎却暄暑相憶莫相忘頌晉

劉臻妻五時畫扇頌

炎后飛軌引曜丹達蕤賓應律融精協職五象列位品物以垂兌降素獸

震升青螭日月澄輝仙童來儀仰憇翠巖俯映蘭池靈柯幽藹芥木參差如山之壽如松之猗永錫難老與時

推移 啓梁簡文帝謝賚扇啓

臣網啓傳詔饒僧明奉宣勅旨垂賚細綾大文畫柳蟬山

扇一柄文均析縷香發海檀肅肅清風即今象革非貴依依散彩便覺夏室含霜飲露青蜩應三伏之脩景羣

飛黃雀送六月之南風蔽日垂陰薰澤慙采浮涼滌暑蘋末愧吹聖人造物之巧俯萃庸薄王府好玩之恩於

茲下被頂戴曲私伏增欣躍謹奉啓事謝聞謹啓

香鑪第八

叙

盧諶祭法曰香鑪四時祠坐側皆置徐爰

家儀曰婚迎車前用銅香鑪二漢官典職曰漢尚書郎

給端正侍女史二人潔衣服執香鑪燒燠從入臺中晉

東宮舊事曰太子初拜有銅博山香鑪一枚鄴中記曰

石季龍冬月為複帳四角安純金銀鑿鏤香鑪

傅先生南岳記

曰衡山芝罘石室有瓦香鑪

王琰冥祥記曰費崇先少信佛法常以

鵲尾香鑪置膝前習鑿齒襄陽記曰劉季和性愛香直

宮嘗上厠過香鑪上事對銀塗

金鏤

晉東宮舊事曰泰元二十二年

皇太子納妃王氏有銀塗博山連盤三升香鑪二金鏤見叙事

四周

九層

西京雜記曰長安巧

工丁緩者作卧褥香鑪一名被中香鑪本出房風為機環轉之者運四週又曰丁緩作九層博山香鑪鏤以奇

禽怪獸皆動賦梁昭明太子銅博山香鑪賦方夏鼎之壞異類山經之

自然能動賦梁昭明太子銅博山香鑪賦方夏鼎之壞異類山經之

似慶雲之呈色如景星之舒光齊姬合歡而流盼燕女

留香信名嘉而器美永服玩於華堂陳傅宰博山香

鑪賦器象南山香傳西國丁緩巧鑄兼資匠刻磨火埋

吐霧制作巧妙獨稱珍淑淑氣氤氳長似詩古詩詠香鑪

春隨風本勝千釀酒散馥還如一碩人詩古詩詠香鑪

詩四座且莫喧願聽歌一言請說銅鑪器崔嵬象南山

上枝似松松下根據銅盤雕文各異類離婁自相連

誰能為此器公輸與魯班朱火然其中青煙颺其間

順風入君懷四座莫不歡香風難久居空令蕙草殘南

風入君懷四座莫不歡香風難久居空令蕙草殘南

風入君懷四座莫不歡香風難久居空令蕙草殘南

風入君懷四座莫不歡香風難久居空令蕙草殘南

風入君懷四座莫不歡香風難久居空令蕙草殘南

風入君懷四座莫不歡香風難久居空令蕙草殘南

齊劉繪詠博山香鑪詩

參差鬱佳麗合沓紛可憐蔽虧千種樹出沒萬重山上鏤秦王

子駕鶴乘紫煙下刻蟠龍勢矯首半街蓮旁為伊水麗芝蓋出岩間復有漢游女拾羽弄餘妍榮色何雜繡綉更相鮮麝麝或騰倚林薄香芊眠掩華終不發含熏未肯然風生玉階樹露湛曲池蓮寒虫飛夜室秋雲沒

曉天梁沈約和劉雍州繪博山香鑪詩

範金誠可則摘思必良工凝芳侯朱

燎先鑄首山銅瓌姿信岳嶸倚態實玲瓏峯磴互相拒岩岫杳无窮赤松游其上斂足御輕鴻蛟螭盤其下驤首盼曾穹嶺側多奇樹或孤或複叢岩間有佚女垂袂似含風暈飛若未已虎視鬱餘雄登山起重障左右引絲桐百和清夜吐蘭煙四面充如彼崇朝氣觸石繞華嵩

鏡第九

事叙

廣雅曰鑒謂之鏡釋名曰鏡景也有光景也

韓子曰古之人目短於自見故以鏡觀面智短於自知故以道正己鏡無見疵之罪道無明過之惡目失鏡則無以正鬚眉身失道無以知迷惑呂氏春秋曰萬乘之主人之阿亦甚矣而無所鏡其殘亡無日矣孰當可鏡其唯士人乎鏡明已也功細士明已也功大淮南子曰人舉其疵則怨人鑑見其醜則善鑑申子曰豈不知鏡設精無為而美惡自備矣莊子曰至人之用心也若鏡不將不迎應而不藏故勝物而無傷淮南子又曰

宮人得戟則以刈葵盲者得鏡則以蓋庖盲者不可貽

以鏡亂主不可舉其疵尚書帝命期曰桀失玉鏡用其

噬獸

玉鏡喻清明之
道噬獸喻暴也

尚書考靈耀曰秦失金鏡魚目入

珠

金鏡喻明道也始皇
呂不韋子言亂真也

文子曰夫鏡不設形故能有形

晉東宮舊事曰皇太子納妃有著衣大鏡尺八寸銀華

小鏡一尺二寸並衣紐百副漆奩盛蓋銀華金薄鏡三

銀龍頭受福蓮花鈕鑲百副事對金錯

銀華

魏武帝
上雜器

物疏三十種有尺二寸金錯
鏡一枚銀華小鏡已見叙事

九寸

三尺

劉振別傳
曰以九寸

明鏡照面視之曰今日識已形當令不忘如此其神不散疾患不入鄴中記曰石季龍三臺及內宮中鏡有徑

二三尺者有百鍊四規夏侯湛抵疑曰百鍊之鑒剔

抱朴子曰用明鏡九寸自照有所思存七日則見神仙知千里外事也明鏡或用一或用二謂之四規鏡視

鹿

照犬

抱朴子曰昔張蓋踊及偶豪成二人精思於蜀雲臺山石室中忽有四人黃絹單衣葛巾

往到其前曰勞乎道士辛苦幽隱於是二人顧視鏡中乃鹿也續搜神記曰林慮山下有一亭人每過此宿者或病死時有郅伯夷者宿於此明燭而坐中夜忽有十餘人來自共誦博伯夷密以鏡照之乃是羣犬應

語

寫形

王子年拾遺記曰穆王時沮渠國貢火齊鏡人語則鏡中響應陸機與弟雲書曰仁壽殿

前有大方銅鏡高五尺餘廣三尺金薄玉榮金薄鏡見叙事

二寸暗著庭中向之便寫人形體

金薄

玉榮

見叙事

東方朔傳曰玉之榮石之精表如日光裏
如衆星兩人相睹相知情此名為鏡也 珠光 石色

孝經援神契曰神靈滋液百寶用則璣鏡出宋均注曰
大珠有光可為鏡拾遺記曰周穆王時有如石之鏡此

石色白如月照面 玄錫粉 黃金繩 淮南子曰明鏡之
如雪謂之月鏡 始型暗朦然及粉

之以玄錫摩之以白旃則鬚眉鬢毛可得而察蕭方等
三十國春秋曰慕容垂攻鄴符丕遣其從弟就詣救乃

遺謝玄青銅鏡黃金 仁壽殿 咸陽宮 仁壽殿見寫形
婉轉繩等以之為信 注中西京雜記

曰高祖初入咸陽宮有方鏡廣四尺九寸高五尺表裏有
明人來照之則倒見以手掩心來即腸胃五臟歷然無礙

有引有致 無藏無執 符子曰至人之道也如鏡有明
有照有引有致實誼子曰鏡儀

而居无藏无執美 賦 晉傳咸鏡賦 順陰位於西裔採秋
惡必至各得其當 金之剛精醺祝融以

致虔命歐冶而是營睇日月之光烈儀厥象乎曜靈不
有心於好醜而衆形其必詳同實錄於良史隨善惡而
是彰猗猗淑媛莪莪后妃春榮之零悴懼玉顏之有
衰盼清揚而自鏡競崇誇以相暉若乃雲髻亂於首顙
黛渝於色設有乏於斯器今孰厥貌之能飾與暗瞽而
同昧兮近有面而不識君子知貌之不可以不飾則內
省而自箴既見前而慮後則祇畏於幽深察明明之待
瑩則以此而洗心睹日觀之有瑕則稽訓於儒紳夫然
尚何厥容之有慢

梁劉緩照鏡賦

夜籌已竭曉鐘將絕
窓外明來惟前影滅

荆王欲起侍妾應還前齋上幔內閣除闕開屏易疊捲
簾難扳搔頭紋髻釵子縈鬟階邊就水盤中光映訝宿
粉之猶調笑殘妝之不正欲開奩而更飾乃當窓而取
鏡臺本王宮氏姓溫背後銘文宜子孫四面迴風若流
水勾欄區匝似城門分明似无礙影前彌
可愛近來顏色不須紅即時好眉猶約黛詩陳孔範和

陳主詠鏡詩

虎賁悲興日龍鏡覽顏時懷思未得報空歎髮如絲

隋李巨仁賦得

鏡詩

魏宮知本姓秦樓識舊名鳳從臺上出龍就匣中生无波菱白動不夜月恒明非唯照佳麗復得厭

山精周庾信詠鏡詩

玉匣聊開鏡輕灰暫拭塵光如一片水影照兩邊人月生无有桂花開不

逐春試挂淮南竹堪能見四隣

梁簡文帝詠鏡詩

錨銖恒在側誰言攬鏡稀如水不見水似

扇長含暉全開瑇瑁匣併卷織成衣脫入相如手疑言趙璧歸

銘後漢李尤鏡銘

鑄銅為鑑

整飾容顏修爾法服正爾衣冠

鏡臺第十

事叙

魏武雜物疏曰鏡臺出魏宮中有純銀參

帶鏡臺一純銀七子貴人公主鏡臺四晉東宮舊事曰

皇太子納妃服用有瑇瑁細漏鏡臺一劉義慶世說曰

劉聰為玉鏡臺溫嶠辟劉越石長史北征得之後娶姑

女下焉宋元嘉起居注曰韋朗為廣州刺史作銅鏡臺

一具御史中丞劉楨奏請以見事免朗所居官事對瑇

瑁 珊瑚

瑇瑁見叙事古詩曰
珊瑚佳鏡爛生光

詩南齊謝朓詠鏡臺詩

玲瓏類丹檻迢亭似玄闕對鳳臨清水垂龍挂明月
照粉拂紅粧揀花埋雲髮玉顏徒自見常畏君情歇唐

陳叔達入闕詠空鏡臺詩

即今裝飾廢彫零衢路間
姮娥與明月相共落關山

舟第十一事叙淮南子曰古人見窾木浮而知為舟周易

曰剡木為舟剡木為楫舟楫之利以濟不通蓋取諸渙
呂氏春秋曰虞姁作舟物理論曰化狐作舟墨子曰巧
倕作舟山海經曰番禺始作舟束皙發蒙記曰伯益作
舟世本曰共鼓貨狄作舟黃帝二臣也揚雄方言曰自
關而東謂舟為船自關而西或謂之舟釋名曰舟言周
流也船言循也循水而行也其上屋曰廬重室曰飛廬
又在其上曰雀室言於中候望若鳥雀之驚視也總名
船曰艘廣雅曰吳曰舩

蒲珍反

李虔通俗曰晉曰舶

音泊埤

蒼曰海中船曰艤

郎鄒二音

說文曰江中舟曰蟹

禮音

釋名

曰上下重版曰艦

四方施板以禦矢如牢檻

外狹而長曰艨衝

以衝突敵

舡

三百斛曰舡二百斛曰舠西京雜記曰太液池有鳴

鶴舟容與舟清廣舟採菱舟越女舟晉令曰水戰有飛

雲船蒼隼船先登舩飛鳥船晉宮閣記曰天泉池有紫

宮舟升進舟曜陽舟飛龍舟射獵舟靈芝池有鳴鶴舟

指南舟舍利池有雲母舟无極舟都亭池有華泉舟常

安舟事對梁麗

吳舩

莊子曰梁麗可以衝城司馬彪注云麗小船也張揖埤蒼曰舩

吳船也

沙棠舟

芙蓉艦

山海經曰崑崙有沙棠木食其實不溺為木不沉銘曰安

得沙棠木刻以為舟船蕭方等三十國春秋曰盧循寇京邑芙蓉艦千餘艘

潯陽艦博昌

船

王智深宋記曰司空劉彥範舉兵時逆於湓襄潛作艦舫出潯陽合于裝理數晨之間舟木大備漢書曰

卜式願與博昌習船者死南越

翔鳳

飛龍

陶季直京邦記曰西巡記曰宋孝武度六合龍舟翔

鳳以下三千四十五艘舟航之威三代二京无比飛龍舟事具叙事

鷁首

鴨頭

淮南子曰龍舟

鷁首高誘注曰鷁大鳥也畫其象著船首吳志曰太傅諸葛恪制為鴨頭船

餘皇

太白

左傳

曰吳伐楚獲餘皇以歸杜預注曰餘皇舟也蜀王本記曰秦為太白船萬艘欲以攻楚注曰太白船名馳

馬

逐龍

崔豹古今注曰孫權名小船為馳馬洞冥記曰露池西有昆雲池方四百步中有逐龍船

鴻毛

青翰

洞冥記曰影娥池中有鴻毛舟說苑曰莊辛謂襄城君曰鄂君方泛舟於澌波之中

來青翰

蒼隼

青雀

蒼隼具叙事王隱晉書曰陶侃擊

五

之舟

樓

三翼

吳志曰曹公出濡須孫權使董襲督五樓船住濡須口越絕書曰越為大翼小翼中翼為

船軍

雲母

海舸

雲母具叙事周遷與服雜事曰其

錦

維

紼繫

吳書曰甘寧住止常以繒錦維舟去輒割棄以示奢侈毛詩曰汎汎楊舟紼維維之爾雅

曰紼紼也縹紼也注紼大索也紼繫也

鸚鵡

鸛鵒

蜀王本記曰蜀王有鸛鵒舟周遷與服雜

事曰遠國朝貢越海則有大船一名鸛鵒合木為槽

賦西晉束據舸賦

伊河海之深廣兮嗟

綿邈而无垠彼限隔而靡覩兮此由茲而莫聞雖后土之同載兮實殊代而乖分加聖王之神化兮理通微而

達幽悼生民之隔塞兮愍王教之不周立成器以被用
今因垂象以造舟濟凌波之絕軌兮越巨川之玄流水
无深而不渡兮路无廣而不由運重固之滯質雖載沉
而載浮飄燕鼎於吳會轉金石於洪濤愬无涯之浩浩
不抑進而輟留登揚侯之激浦兮方魚翔而龍游雖滔
天而橫厲長抱樂而无憂乘流則逝遇坻而停受命若
響唯時而征不辭勞而急動不偷安而自寧不貪財以
循功不愛力而欲輕豐儉隨乎質量所勝任乎本形雖
不乘而常浮雖涉險而必正周遊曲折動與時併博載
善施心无所營囊括品物受辱含榮唯載涉之所欲混
貴賤於一門包涵通於道德普納比乎詩陳張正見賦
乾坤感斯用之却廣信人道之所存

得雪映夜舟詩

黃雲迷鳥路白雪下鳬舟分沙映水浦
照鶴聚寒流檣風吹影落纜錦雜花浮

船梁若是桂
翻如月照秋

梁王筠賦詠輕利舟詩

君侯飾輕利搖蕩
邁飛雲凌波漾鷁

彩汎水渙蛟文電流已光絕鳥逝
復超羣倏忽方千里戀茲岐路分
梁元帝船名詩天際浮雲

飛三翼自相追池邊白鵲舞林深青雀歸松澗
流星彩桂窓斜月暉思此无情極高樓淚染衣銘後漢

李尤舟楫銘舟楫之利譬猶與馬輦重歷遠以濟天下相風視波窮究川野安審懼慎終無不可

讚宋王叔之舟讚致遠任重各因所由陸則騁車水唯用舟弱楫輕棹利涉濟求緬彼漁父鼓棹

清謳謝靈運侍汎舟讚汎畫鷁今游蘭池渚相委今石參差日隱雲今月照林風遶冷今水

連漪

車第十二事叙譙周古史考曰黃帝作車少昊時略加牛

禹時奚仲加馬周禮曰玉路錫樊纓十有再就建太常

十有二旂以祀

王在馬曰路錫陽馬面當盧刻金為之所謂鏤錫也樊音謂今馬大帶也此

樊纓皆五色采屬飾之十有二就就成也太常旗畫日月者

金路鈎樊纓九就建大

旂以賓同姓以封象路朱樊纓七就建大赤以朝異姓
以封革路龍勒條纓五就建大白以即戎以封四衛木
路前樊鵠纓建大麾以田以封蕃國沈約宋書曰漢制
乘輿金根車輪皆朱斑重轂兩轄飛舠以金薄繆龍
為輿倚較旂文畫幡文虎伏軾龍首銜軛鸞雀立衡
旂文畫轅翠羽蓋黃裏所謂黃屋也金華施轅末建太

常十二旂畫日月升龍駕六黑馬又加犛牛尾大如
斗置左騂馬軼上所謂左纛也其五色立車五色安車
亦皆如之太皇太后皇后法駕乘重翟羽蓋金根車加
青交輅青帷裳雲旗畫轅黃金塗五末皇太子皇子皆
安車朱斑輪倚虎較伏鹿軾旗九旂畫降龍皇孫乘綠
車事對游環 副轄

毛詩曰游環脅驅陰剗沃續劉熙
釋名云游環在服馬背上參馬之

外轡貫之游移前却无常處蔡邕獨斷曰乘
輿之車皆副轄者施轄於外乃復設轄者也周輿 殷

輅

周禮云有虞氏尚陶夏后氏尚
匠殷尚梓周尚輿與殷輅見論語

朱蘭

紫蓋

司馬彪
續漢書

輿服志曰小使車者蘭輿皆朱赤轂白蓋赤帷從騶騎四十人皆迫捕考案有所勅取者之所乘也魏收後魏

書曰安車紫蓋朱裏與步輿卧輦張敞晉東宮舊事公侯同子男皂蓋青裏

步輿

卧輦

曰張敞晉東宮舊事太子有步輿一

鄴中記曰石李龍皇后出乘高輅輦或朱漆卧輦以雲母代紗內外四望皆通徹也青牛白鹿

關令內傳曰尹嘗登樓四望見東極有紫氣西邁喜曰應有聖人經過京邑果見老君乘青牛車來葛洪神仙

傳曰沈義學道於蜀中與妻共載道逢白鹿車一乘一器六材周禮曰一器而工聚者車為多

司馬彪續漢書輿服志曰奚仲為車正具物以時六材皆良珠輪銅較華覈駟馬

緝裘珠輪玉光許慎說文曰較車轉上曲銅鈎音公卓反皮軒革輅漢官解詁曰

軒驚旗胡廣曰馬有廐車有府皮軒以虎皮法陰陽為軒周禮鄭玄注曰革輅輓之以革而漆之

象日月

李尤小車銘曰圓蓋象天方輿則地輪法陰陽動不相離周禮曰輪輻三十象日月也

黃

金車

碧玉輦

吳志曰初平中童謠曰黃金車班蘭耳闔閭門出天子王子年拾遺記曰周穆

王馭黃金碧玉之輦從朝及暮而窮宇宙之內徧焉

三寸轄

四尺輶

淮南子曰夫車之所

能轉千里者以其要在三寸轄周禮輶度國馬之輶深四尺有七寸田馬之輶深四尺

三雲輦

七香車

真人王君內傳曰神人乘三雲之輦魏武帝與揚彪書曰今贈足下畫輪四望通憶七香車二

乘

輪重牙

轅兩尾

董巴輿服志曰乘輿金根車五乘輪皆朱斑重牙貳轂張揖埤蒼曰

輕車轅兩尾

玳瑁廂

茱萸輶

周逮輿服雜事曰五輶兩廂之後皆用玳瑁鵲翅注曰鵲

大鳥名其羽關纖利故車廂象之石崇奴券曰作車當取大良白槐之輻茱萸之輶賦後梁甄玄

成車賦

鑄金磨玉之麗凝土剡木之奇體衆術而特妙未若作車而載馳爾其車也名稱合於星辰圓

方象乎天地夏言以庸之服周曰聚焉之器制度不以
恆移規矩不以飾異古今責其同軌華夷獲其兼利爾
其利也天子以郊祀田伐諸侯以朝聘會盟庶人以商
農工賈夷狄以致蓄遺生爾其作也均輕重而攻材正
陰陽而斲木既中正而合剖亦面勢而審曲侯離婁之
督繩須公輸而削墨布骸服之有定施爪牙之不忒既
涉用於牛馬亦受名於羊鹿爾其容也侔蓋樹之獨立
似高雲之出岫獨映水也如舞鸞之對鏡衆行陸也若
翔鴻之赴遠聽長響之轉轉望遙儀之婉婉信有美兮
宜比興徒欲貌兮不能辨及其駕也堅珊瑚之駐引絕
羣之駿既絲剡之縈頭亦銅鈎而瑩角始向輓而龍轉
就入轅而獸躍或執輓而鳴鼻或參差而動脚咆哮歇
轉鬐快隕闕見輪陰之翻亂視帶影之飛泊及其乘也
或方夏虐暑炎氣敲烈浮慙動以來風輕紗飛而去熱

纖埃著而即壁煩氣衝而受歇或固陰沍寒祁嚴凜厲
複帷下而前屏重檐垂而後蔽霜露侵而靡及風颺激
而不戾或油雲雨霈中達半恢宏宇宙而雷奔杆
軸割而去行被洪流染而自落散水瀾而不霑云詩梁

元帝車名詩

長墟帶江轉連甍映日分佳人坐椒屋
接膝對蘭薰繞砌縈流水邊梁圖畫雲

錦色懸殊衆衣香遙出羣
日暮輕帷下黃金妾贈君

銘後漢馮衍車銘

乘車必護輪治國必

愛民車无輪安

崔駰車右銘

擇御卜右採德用良
詢納耆老于我是匡

處國無民誰與

惟賢是師惟道是式歲闕旅賁內顧自勅

李尤小

匪望其度匪愆其則越戒敦儉禮以華國

車銘

圓蓋象天方輿則地輪法陰陽動不相離合之嘆
嗟疏達開通兩輜郭邪尊卑是從輓軌之用信義

同所

燈第十三

叙事

呂靜韻集曰無足曰燈有足曰錠西京

雜記曰漢高祖入咸陽宮秦有青玉五枝燈高七尺五寸作蟠螭以口銜燈然則鱗甲皆動煥炳若列星盈室焉又曰長安巧工丁緩作恒滿燈九龍五鳳雜以芙蓉蓮藕之奇王朗秦故事曰百華燈樹正月朔朝賀殿下設于三階之間端門外設三尺五尺燈月照星明雖夜猶畫張敞東宮舊事曰太子有銅駝頭燈銅倚燈納妃有金塗四尺長燈銀塗二尺連盤短燈拾遺記曰海人

乘霞舟以雕囊盛數升龍膏獻燕昭王王坐通雲之堂

亦曰通霞臺

然龍膏為燈火色曜百里煙色如丹洞冥記曰

漢武帝然芳苾燈於閣上光色紫有白鳳黑冠黑龍鼻足來戲於閣又曰丹豹髓白鳳膏磨青錫為屑以淳蘇油和之照於神壇夜暴雨火光不滅以麟鬚拂拂霜蛾赴燈者芳苾草出奔盧國霜蛾如蜂淮南子萬畢術曰

取蛭脂為燈置水中即見諸物事對豹髓

龍膏

並見敘事

駝頭

鳳腦

駝頭見敘事中拾遺記曰周穆王設常生之燈以自照列蟠龍膏之燭徧於宮內又

有鳳腦之燈水
荷以蓋其上

芳苾

蘭膏

芳苾見叙事楚辭曰娛酒
不廢沉日夜蘭膏明燭華

銅錯銅倚

玉枝

並見叙事

葛籠

荷蓋

沈約宋書曰高祖清
簡寡欲牀頭有土障

壁上有葛燈籠荷
蓋見鳳腦注中

百枝

九光

傳玄朝會賦曰華燈若
乎火樹燦百枝之煌煌

漢武帝內傳曰西王母遣使謂帝曰七月七日
我當暫來帝至日掃除宮內然九光之燈蛭脂

鳳

膏

並見叙事

恒滿

常生

並見前

賦周庾信燈賦

九龍將暝三
爵行棲瓊鈎

半上弱水全低窓藏明於粉壁柳助暗於蘭閨翡翠珠
被流蘇羽帳舒屈膝之屏風掩芙蓉之行障卷衣秦后
之林送枕荆臺之上乃有百枝同樹四照連盤香添然
蜜氣雜燒蘭燼長宵久光青夜寒秀華掩映蛭膏照灼
動鱗甲於鯨魚燄光芒於鳴鶴蛾颺則碎花亂下風起
則流星細落况復上蘭深夜中山醑清楚妃留客韓娥

合聲低歌著節游絃絕鳴輝輝朱燼焰焰紅榮乍九梁
光而連彩或雙花而並明寄言蘇季子應知餘照情

江淹燈賦

淮南王信自華淫命綵女兮餌丹砂而學鳳音
紫霞沒白日沈掛明燈散玄陰顧謂小山儒士斯

可賦乎於是汎瑟而言曰若大王之燈者銅華金榮錯
質鏤形碧為雲氣玉為仙靈雙流百枝艷帳充庭照錦
地之文席映綉柱之鳴箏恣靈修之浩蕩心何疑而永
平茲侯服之誇翺而處士所莫營若庶人燈者非銀非
珠无藻无縛心不貴麗器窮於樸是以露冷帷幔風結
羅紈螢已引桂蛾欲辭蘭秋夜如歲秋情若絲怨此懷
抱傷此秋期必然燈坐歎欲說忘辭至夫霜封園橘冰
裂池蓀雲雪无際河海方昏冬膏既凝冬箭未度悵連
冬心寂歷冬暮亦復詩隋江總三善殿夜望山燈詩
朱燈空明但為君故花
疑吐夜四照似含春
珠非合浦贈珮異江濱若在扶桑路堪言並日輪
梁范

靖妻沈氏詠燈詩

綺筵日已暮羅帷月未歸開花散四照含光出九微風軒動丹焰水宇澹

清輝不羗輕蛾繞唯恐曉蠅飛

紀少瑜詠殘燈詩

殘燈猶未滅將盡更揚輝唯餘一兩

焰裁得

南齊謝朓詠燈詩

發翠斜溪裏蓄寶宕山峯抽莖類仙掌銜光似燭龍飛蛾

再三遶輕花四五重孤對相思夕空照無衣縫

銘後漢李尤金羊燈銘

賢哲勉務唯日

不足金羊載曜作明以續

晉傅玄燈銘

晃晃華燈含滋炳靈素膏流液玄炷專亭丹水揚輝飛景蘭亭

燭第十四

事叙

周禮曰凡邦大事司烜氏共賁燭

麻燭也一云大

燭

祭祀共明燭

以燧取明火於日

儀禮曰燕則庶子執燭於阼

階上司宮執燭於西階上甸人執大燭於庭閭人為燭

於門外禮記曰燭至起

異畫夜

又曰燭不見跋

跋本也燭盡則去之為嫌

若燼多有厭倦

陸士衡毛詩草木疏曰木蓼擣為燭明如胡麻

燭後魏書曰世祖南伐劉義恭獻蠟燭世說曰石季龍

以蠟燭炊事對照壁

映書

戰國策曰甘茂去秦之齊出關遇蘇季子曰江上夜

女有家貧无燭者夜女相與欲去之无燭者曰妾以无燭之故常先至獨埽室布席何愛餘光之照壁者西京雜記曰匡衡勤學而无燭鄰舍有燭光穿壁引其光以書映而讀之絕纓

陳席

司馬彪戰略曰

楚莊王賜羣臣酒日暮燭滅有引美人衣者美人援絕其冠纓告王王曰人醉失禮奈何欲顯婦人之節而辱士乎乃命曰羣臣皆絕去冠纓然後上燭劉向列女傳曰齊女徐吾者東海上貧婦人嘗與鄰人李吾合燭夜

績李吾曰徐吾燭數不屬請无夜績徐吾曰妾以貧故起常見先卧常在後洒埽陳席以待來者今益一人燭不為益明去一人燭不為益明何愛東壁之餘光益明坐闇王符潛夫論曰

幽室也前燭則盡照矣後燭而益明二者相因以成大光謝承後漢書曰巴祇為揚州刺史與客坐闇中不然

官美人戴飛蟲赴地鏡圖曰見美女戴燭行從其出燭美人戴飛蟲赴處有玉矣抱朴子曰夫明燭宵舉

則飛蟲武王晨舉少翁夜張王充論衡曰武王伐商群赴兵至牧野晨舉脂燭權

掩不備漢武故事曰上所幸李夫人死上甚思悼之齊人少翁言能致其神乃夜張明燭上居他帳中遙望見

李夫人不得就視賦梁簡文帝對燭賦雲母窓中合花氈茱萸幔裏鋪錦筵照夜明珠

且莫取金羊燈火不須然下弦三更未有月中夜繁星徒依天於是挂同心之明燭施雕金之麗盤眠龍傍繞

到鳳雙安轉辟邪而取正推據窓而畏寬綠炬懷翠朱
燭含丹豹脂宜火牛腴耐寒銅芝抱帶復纏柯金藕相
榮共吐荷視橫芒之昭曜見密淚之蹉跎漸覺流珠走
熟視絳花多宵深色麗焰動風過夜久唯煩缺天寒不
畏蛾菖蒲傳酒座欲闌碧玉舞罷羅衣單影度周庾信
臨長枕煙生向果盤迴照金屏裏脉脉兩相看

對燭賦

疑不亮月下穿針覺最難刺取燈花持桂燭還

却燈檠下燭盤鑄鳳街蓮圖龍並眠爐高疑數翦心濕
暫難然銅荷承淚蠟鐵鉢染浮煙本知雪光能映紙復
訝燈花今得錢蓮帳寒檠窓拂曙筠籠熏火香盈絮傍
垂細溜上繞飛蛾光清寒入焰暗風過楚人纓脫盡燕
君書誤多夜風吹香氣隨鬢金苑芙蓉池秦皇辟惡不
足道漢武胡香何物奇晚星沒芳蕪歇還持照夜游詎
減西梁王筠詠蠟燭詩

執燭引佳期流影度單帷
臚別繡被依佈見蛾眉英明

不足貴。燼燼豈為疑。所恐恩情改。照君尋履綦。劉孝綽賦照基燭詩。南皮絃吹罷終爽且。

留賓日下房。櫳閣華燭命佳人。側光全照。唐太宗詠。局迴花半隱。身莫辭纖手倦羞。今夜向晨。

燭詩。焰聽風來動。花開不待春。又詩曰。九龍焰焰動。鎮下千行淚。非是為思人。四照逐花生。

即此流高殿。堪持待月明。啟梁劉孝儀謝女出門官賜紋絹燭啟。

孝儀啟。左右。素文成奉宣旨。宜知臣私營發遣。垂賜紋絹二十疋。燭二十挺。臣家本貧。敝事本寒。闕桓室金縷。本非所宜。孟姬作具。猶若未周。殊澤曲臨。珍華兼重。制為美服。雙綺易傳。秉而不息。三夜有待。臣名品卑末。事隔榮賜。慈渥之墜。實見因心。小人賤微。豈能勝報。不忘云云。

煙第十五。叙淮南子曰。冬至甲子受制木用事。火煙青。

七十二日戊子受制土用事火煙黃七十二日庚子受
制金用事火煙白七十二日丙子受制火用事火煙赤
七十二日壬子受制水用事火煙黑七十二日列仙傳
曰昔神人過竈封人為其掌火能出五色煙教其積薪
自燒隨煙上下封人黃帝時陶正周禮蠋氏掌去鼃黽焚牡蒿
以灰灑之則死以其煙被之則凡水蟲無聲晉書曰
符堅之將亂也關中土然無火而煙氣大起方數十里
月餘不滅後為慕容沖所滅後魏書曰慕容超之將亡

也南郊柴燎焰起而煙不出靈臺令張光告人曰火盛

煙滅國其亡乎拾遺記曰晉文公焚林以求介子推有

白鷗繞煙而噪或集介子之側火不能焚晉人嘉之為

立臺號曰思煙又曰員嶠山西有星池出爛石常浮於

水色紅質虛似肺燒之香聞數百里煙氣升天則成香

雲雲徧則成香雨事對火含

水滅

顏延之連珠曰火含煙而煙妨火桂

懷蠹而蠹殘桂然火勝則煙滅蠹壯則桂折漢書曰噪漢元帝時有童謠曰井水溢滅竈煙灌玉堂流金門

鷗

去龜

並見

張天

連雲

沈約宋書曰桓玄使桓謙屯東陵口卞範之屯覆舟

山西高祖躬先士卒以奔之東北風急因命縱火煙漲
天謙等諸軍一時土崩劉向熏鑪銘曰中有蘭麝朱火
青煙蔚術四五色四合許邁列傳曰邁名映有道術
塞上連青雲

映為燒香五色煙出映亦去莫知所
存潘泥火賦曰玄煙四合雲蒸霧萃詩梁簡文帝煙詩

浮空覆雜影含樹密花藤乍如落霞發頗類巫雲登陳
映光飛百仞從風散九層欲持翡翠色時出鯨魚燈

張正見浦狹村煙度詩茅蘭夾兩岸野燎燭中川村長
合夜影水狹度浮煙收光暗鳥

弋分火照漁船山人
不炊挂樵華幸共然

火第十六事叙譙周古史考曰古者茹毛飲血燧人初作

燧火人始燔炙元命苞曰火之為言委隨也故其立字

人散子者為火說文曰燠蒸火也煨盆中火也爍火飛也類燖火光也左傳曰人火曰火天火曰災春秋繁露曰若人君惑於讒邪內離骨肉外疎忠臣咎及於火則大旱必有火災春秋潛潭巴曰火從井出有賢士從人起

大明賢者象賢者
屈滯象從井出

周易曰火在天上大有君子以遏

惡揚善順天休命又春秋繁露曰若火不炎上秋多電由王者視不明也國語曰火焚其彝器子孫為疑由王者蔑棄五則也

則常也

風俗通曰夫火者南方陽光輝為明

聖人嚮之而治取其象也事對化雀

流烏

魚泰典略曰秦伯出

獵至于咸陽有大鳥流下化為白雀銜綠丹書集于公車史記曰武王既渡河有火自上復下至于王屋流為

烏其色赤外照

內陰

湛方生論曰俗之談者以為火外照無納影之能內鑒無朗闇之功張隱

文士傳曰高火陰居內故鑒之可映

焚芝

爨柘

枹朴子曰慮巫山之失火恐芝艾之并焚淮南

子曰夏爨柘燧火冬爨松燧火

登庫

構祠

左傳曰宋衛陳鄭皆火梓慎登大庭氏之庫以望之

漢書陳勝吳廣聚祠中夜篝火狐鳴呼曰大楚興陳勝王是也

束縕

徙薪

漢書曰蒯通曰臣之

里婦與諸母相善夜亡肉姑以為婦盜遣之里母即束縕請火亡肉家曰昨夜犬得肉聞相殺請火以埋之桓譚

新論傳曰託言淳于髡至隣家見其竈突直而積薪在旁謂曰此有火災即更為曲突而遠徙其薪光戟

生矛

沈約宋書曰晉惠帝永興元年成都王伐長沙每夜戈戟鋒有火光如懸燭漢書曰車師後王

姑句家矛端生火其妻敗訾取謂姑句曰矛端生火此兵氣也

蔽窗

塗隙

魏收後魏書曰祖瑩

好學以夜繼晝父母恐其成疾禁之後然火讀書以衣被蔽塞窓戶恐人所覺韓子曰丈人之慎火也塗其隙

白圭之行堤也塞其穴故丈人無火難白圭无水難

連雞

結牛

何法盛晉中興書曰殷浩北伐

江迤為長史迤取數百雞以長繩連脚皆繫火一時驅放飛過塹集于菟營火皆然史記曰騎劫攻即墨田單

取牛千頭縛矛其角結火其尾穿城而出壯士隨牛後出火明所觸輒死

珠扞

荷厭

國語曰楚

王孫圉聘于晉謂趙簡子曰珠足以扞火災則寶之沈約宋書曰殿屋之為圓泉方井兼荷華者以獸火祥

馥馥

烈烈

尚書曰无若火始馥馥厥攸灼叙弗其絕詩曰如火烈烈則莫我敢遏泥中

水上

魏收後魏書曰張天錫時有火然於泥中周易曰火在水上未濟

臨卽井 神丘

穴

劉敬叔異苑曰臨卽有火井括地圖曰神丘有火穴光照千里

延北閣 越東家

范曄

後漢書曰章帝時新平王家失火延及北閣後殿崔鴻前趙錄曰劉殷曾祖母柩在殯西鄰失火風颺甚盛殷

夫婦叩殯火災

賦西晉潘尼火賦

形生於未兆聲發於无象尋之不得其根

聽之不聞其嚮來則莫見其跡去則不知其往似大道之未離而元氣之瀕滲故能博瞻羣生資育萬類盛而不暴施而不費其變無方其用不匱鑽燧造火陶冶羣形協和五味革變羶腥酒醴烹飪於斯獲成及至焚野燎原埏火赫戲林木招拉砂粒煎糜騰光絕覽雲散霓披遂及衝風激揚炎光奔逸玄煙四合雲蒸霧萃山陵為之崩弛川澤為之涌沸去若風驅疾如電逝蕭條長空野无牙遺无隰不灰无垌不斃榛蕪既除九野謐清

蕩枝庠於凜秋候來春而改生其揚聲發怒則雷電之威也明照遠鑒則日月之暉也甄陶品物則造化之制也濟育羣生則天地之惠也是以上聖人擬火以制禮鄭僑據猛以立政功用關乎古今勲績著乎百姓

戴逵流火賦

火憑薪以傳燄人資氣以享年苟薪氣之有竭何年燄之恒延

文晉成公

綏戒火文

余家遭火屋宇焚盡器用廓然乃造於四鄰以為戒火文曰經籍為灰篇章為炭

論

朱玄微火不熱論

朱先生游於河洛之間將舍逆旅遇逆旅之火有主人翁夷焉先生褰裳

下車環而窺之則喘喘然死矣先生曰嘻火之盛物一至此哉弟子孔琨進曰異乎先生之談也夫火之熱在羣形則焚燎消鑠在肌膚則灼爛湮滅奚言物之盛矣

初學記卷二十五

欽定四庫全書

初學記卷二十六

唐 徐堅 撰

服食部

冠第一

事

劉熙釋名曰冠貫也所以貫韜髮也董巴漢

輿服志曰上古穴居野處衣毛而冒皮後代聖人易之
見鳥獸有冠角顛胡之制遂作冠冕纓綏春秋繁露曰
冠之在首立武之象也立武貌之最嚴威者其像在後

服反居首武之至而不用矣三禮圖曰太古冠布齊則緇之後以為冠冠之始也今武冠則其遺象春秋合誠圖曰天皇帝北辰星也含元秉陽舒精吐光居紫宮中制御四方冠有五采又曰黃帝冠黃文白帝冠白文黑帝冠黑文禮記曰黃冠而祭息田夫家語曰大夫請罪用白冠雉纓禮記曰玄冠朱組纓天子之冠也緇布冠績緌諸侯之冠也玄冠丹組纓諸侯之齊冠也玄冠綦組纓士之齊冠也緇冠玄武子姓之冠也垂緌五寸

惰游之冠也玄冠編武不齒之服也居冠屬武自天子
下達有事然後綏左傳曰鄭子臧好聚鵠冠淮南子曰
楚文王好獬冠公孫屈子曰屈到貂冠戰國策曰宋康
王為無頭之冠以示勇莊子曰宋鉏尹文為華山之冠
以自表漢武內傳曰上元夫人戴九雲夜光之冠西王

母戴太真晨嬰之冠事對却敵

進賢

三禮圖曰却敵冠前廣四寸通

長四寸後高三寸衛士服之與服志曰進賢冠古緇布冠儒者之服前高七寸後三寸長八寸公侯三梁中二千石以下至博士兩梁

獬豸

鷩鷩

漢官儀曰獬豸獸性觸不直故執憲

者以其角形為冠史記曰高祖時籍孺孝惠時閼孺婉倭貴幸與上卧起故惠帝時郎中皆冠鵠鵠鵠貝帶傳脂

粉比閼蟬翅鵲尾漢書曰張敞弟武為梁相曰馭點馬者利其銜策當以柱後鵲文強

籍之屬蟬翅鵲尾繩之耳如淳注曰蟬蟬也冠細如蟬翅今御史冠是也又曰高祖為亭長乃以竹皮為冠應劭注曰以竹始生

皮作冠今鵲鐵柱金顏尾冠是也漢官儀曰侍御史周官也為柱下史冠法冠一曰柱後以

鐵為柱徐爰釋問曰通天冠金博山蟬為之謂之金顏却非交讓三禮圖曰却非冠宮殿僕

射史服之高三寸東觀漢記曰馬援與公孫述有舊援從冀入蜀述見之甚喜與俱入宗廟令冠交讓冠立舊

交之五彩四重三禮圖曰五彩方山冠各以其彩縠為冠天子祀宗廟舞八佾舞人所

服與服志曰述氏冠有五彩衣青玄裳前員其制夏收差池邈邈四重趙武靈王好服之今不施用也

殷尋

禮王制曰夏后氏收而祭燕衣而養老殷人尋而祭縞衣而養老

雙綾

禪纚

毛詩曰葛屨五兩冠綾雙止漢書江充召見上衣紗縠單衣冠禪纚步搖冠

金璫

珠璫

與服

志曰武冠一曰武弁大冠諸武官冠之侍中中常侍加黃金璫附蟬為文貂尾為飾崔鴻前燕錄曰慕容雋制平上冠悉賜廷尉以下中祕監令別施珠璫

溫貂

勁鷗

漢官儀曰侍中金蟬左貂金取堅剛

百鍊不耗蟬取高居食潔口在腋下貂內勁而外溫又曰虎賁冠揄兩鷗尾鷗鷺鳥中之勁果者

苞楯

覆杯

輿服雜事曰楚漢會於鴻門項籍圖危高祖樊噲聞急乃裂衣包楯戴以為冠排入羽營覆杯

見升

招虞

遺越

招虞見旌事對春秋釋病何休敏曰遺越人以章甫冠終不以為患

翠綾

朱纓

梁書曰天子著遠遊冠金蟬翠綾纓朱纓見敘事

鳩拂

烏萃

蕭方等三十國

春秋曰晉永康元年正月大會于鵠入御坐武帳中拂
司空張華之冠伏侯古今注曰曾參鋤瓜三足烏來萃
其賦魏齊幹賦織麗細纓輕配蟬翼尊曰元飾銘漢李尤

冠幘銘

冠為元服幘為首服
君子敬慎自強不忒

晉傅玄冠銘

居高无忘危在
上无忘敬懼則

安敬
則正

弁第二叙

白虎通曰弁之為言攀持髮也釋名曰弁如

兩手相合拊時也以爵韋為之謂之爵弁以鹿皮為

之謂之皮弁以韎韋為之謂之韋弁董巴輿服志曰爵

弁一名冕廣八寸長尺二寸如爵形前小後大其上似

爵頭色有收持弁所謂夏收殷

虛宇反

者也祠天地五

郊明堂雲翹舞樂人服之三禮圖曰爵弁士助君祭之

服以祭其廟無旒韋弁王及諸侯兵服也輿服志曰皮

弁與委貌同制長七寸高四寸制如覆杯前高廣後卑

銳所謂夏之母追殷之章甫者也行大射禮辟雍公卿

諸侯大夫行禮者冠委貌執事者冠皮弁衣都麻衣周

禮弁師掌王之皮弁會五采玉璫象邸玉笄

璫綦同結也縫中貫

結五采玉者

魏臺紡議曰五采玉一玉有五色者也邸以象

骨周緣弁下根抵如魏武帝所作弁抵凡有笄無纓曹

褒云天子弁以白玉飾左傳曰楚子玉自為瓊弁鄴中

記曰石季龍宮婢數十盡著皐禱頭著神弁如今

禮先冠事對麟韋

象邸

漢書曰王莽初獻新樂於明堂大廟羣臣冠麟

韋之弁周禮曰弁師掌王之皮弁象邸玉笄也

駢文

鹿章

毛詩曰淑人君子其弁伊

駢毛莢注曰駢文也白虎通曰上古質先服鹿皮取其文章也

加首

會髮

穀梁傳曰

弁冠雖舊必加于首周室雖衰必先諸侯毛詩曰有斐君子充耳琇瑩會弁如星注謂弁所以會髮

告朔

視朝

家語曰諸侯皮弁以告朔於大廟周禮曰視朝則皮弁服鄭玄注曰視外

朝之事

印第三

叙事

劉熙釋名曰印信也所以封物以為驗也亦

言因也封物相因付也許慎說文曰執政所持信也衛

宏漢舊儀曰諸侯王印黃金橐駝鈕文曰璽列侯黃金

印龜鈕文曰印丞相將軍黃金印龜鈕文曰章中二千

石銀印龜鈕文曰章千石六百石四百石銅印鼻鈕文

曰印續漢書禮儀志曰印璽王玉押銀鏤文貴人長公

主銅鏤何法盛晉中興書曰孔愉經餘亭放龜溪中龜

中流左顧後以功封餘亭侯及鑄侯印而龜左顧更鑄亦然印工以聞愉愉悟乃取佩搜神記曰張顗為梁相天新雨後有鳥如山鵲飛翔近地令人摘之化為石顗命椎破得一金印文曰忠孝侯印顗上之藏宮後議郎汝南樊衡夷上言堯舜時舊有此官今天降印宜可復

置事對鑄龜

給馬

鑄龜事見敘事中魏收後魏書曰高帝詔軍警給雀印傳符次給馬

印

金龜

玉蛟

金龜事見敘事魏收後魏書曰高祖永明元年上谷郡人獻玉印上有蛟龍之

文種龍

摘鵲

陳留風俗傳曰巴吾縣者宋雜陳楚地故梁國寧陵種龍鄉也今其郡印

文曰種龍摘
鵲事見叙事
含鉤

刻棗

夢書曰印鉤為人子所祿也
夢見印鉤人得子含吞印鉤

懷妊婦也鉤從腹出為其乳失印子傷墮而懷之妻有
子以口含之子為宅中黃君制使虎豹法曰道士當刻

棗心作印
方四寸也

銘晉傅玄印銘

往昔先王配天垂則乃設印
章作信萬國取象晷度是銘

是刻文明慎密直方其德本立道
生歸乎玄默太上結繩下無荒慝

後漢胡廣印衣銘

明明上皇旌以命服紆朱懷金為光為飾邁種其澤撫
寧四國宣慈惠和柔嘉維則克常厥心膺茲多福登庸

歷壽千億

李尤印銘

赤紱在躬非印不明榮傳符節
非印不行龜紐犢鼻用爾作程

綬第四

叙事

漢官儀曰綬者有所承受也所以別尊卑彰

有德也呂忱字林曰綬紱也董巴輿服志曰戰國解去

紱佩留其絲襪以為章表秦乃以采組連結於襪光明

章表轉相結綬故謂之綬乘輿黃赤綬五采黃赤縹紺

淳黃圭長二丈九尺五百首

太皇太后皇太后皇后皆同漢官儀曰乘輿綬黃地

骨白羽青絳緣五采四百首長二丈三尺

諸侯王赤綬四采赤黃縹紺淳赤

圭長二丈八尺三百首

公主大貴人諸侯皆同又漢官儀云四采絳地骨白羽青黃赤

緣二丈一尺二百六首侯絳地紺縹三采百二十首長二丈八尺

諸國貴人相國綠綬

三采綠紫紺淳綠圭長二丈一尺二百四十首公侯將

軍紫綬二采紫白淳紫圭長丈七尺百八十首

公主封君同又

漢官儀云丞相御史大夫匈奴亦同九卿中二千石一云青緇綬緇紫青色緇音

瓜二千石青綬三采青白紅淳青圭長丈七尺百二十

首又漢官儀綬羽青地桃花縹長丈八尺自青綬已上緇皆長三尺二寸

與綬同采而首半之緇者古佩褱也佩褱相迎受故曰

緇紫綬以上緇綬之間得施玉環玦千石六百石墨綬

三采青赤紺淳青圭長丈六尺八十首又漢官儀云墨綬白羽青地絳

二采長丈七尺四百丞尉三百長相二百百石皆黃綬一采淳黃圭

長丈五尺六十首又漢官儀云黃綬綠八十首長丈七尺晉令曰皇太子

及妃諸王玄朱綬郡公主朱綬郡侯青朱綬輿服志又
云自黑綬以下綬皆長三尺與綬同采而首半之百石
青紺綬一采宛轉繆織圭長丈二尺凡先合單紡為一
絲四絲為一扶五扶為一首五首成一文文采淳為一
圭首多者絲細少者絲麤皆廣尺六寸漢武內傳曰西
王母交帶靈飛綬上元夫人佩鳳文臨華綬事對桃花
盤草 二千石綬桃花縹具叙事注中漢書曰諸侯王
高帝初置金璽盤綬如淳注曰盤綠也晉灼曰
盤草名也出琅邪平昌縣似艾
可染綠因以為綬名盤音庚 五色 四采 西京雜記
曰趙飛燕

為皇后其綈上遺五色文綬四采事見叙事

白艾

青緇

焦貢易林曰二十石官白艾綬也史

記曰武帝召東郭先生拜為郡都尉先生久待詔公車行雪中履有上無下及其拜為二十石佩青緇也

朱

青紫

玄朱事見叙事中晉永安起居注曰太康四年有司奏鄴善國遣子元英入侍以英為騎

都尉佩假歸義侯印青紫綬各一具

赤地

絳緣

漢名臣奏曰大司空朱浮奏曰車府丞宏受

詔來與綬五采何黃多也可更用赤絲為地絳緣見叙事

銘後漢張衡綬笥銘

南陽太守

鮑得有詔所賜先公綬笥傳世用之時得更理笥衡時為得主簿作銘曰懿矣茲笥爰藏寶珍冠纓組履文章

日信皇用我賜俾作帝臣服其令服驚封艾緇天祚明德大賚福仁垂光厥世子孫克神厥器惟舊中實惟新

周公惟事

胡廣綬笥銘

休矣斯笥凡器為式受相君子承此印綬帝命所賚用褒

令德備以自修所以自勅忠肅恭懿鮮不為則靡悔靡吝神人致福

笏第五

叙事

笏手板也釋名曰笏忽也君有教命及所啟

白則書其上備忽忘也禮記曰凡有指畫於君前用笏受命於君前則書於笏笏畢用也

畢盡

又曰天子以球玉諸

侯以象大夫以魚須文竹士竹本象可也

文猶飾也大夫飾竹以為

笏不敢與君並用純物也

大戴禮曰天子御珽

珽言珽然方正於天下

諸侯御

茶

茶前誑後直下天子也茶音舒

大夫服笏

前誑後誑無所不讓

三禮圖曰士笏

飾以象骨大夫飾以魚須

魚髮

興服雜事曰古者貴

賤皆執圭書君上之政令有事則摺之於要帶中五代
以來唯八座尚書執笏者白筆綴手板頭以紫囊裹之
其餘王公卿士但執手板板主於敬不執笏示非記事

官也事對魚須

象骨

並見
敘事

記善

書對

周遷與服雜
事曰應仲遠

云昔荆軻逐秦王其後謁者持匕首擬宮掖以備不虞
從此侍官皆執刀劔漢高祖偃武修文始制以手板代
焉故仲長子曰笏以書君教令記善刺過令之持板
以象焉禮記曰將適公所史進象笏書思對命也通

理耀握

相手板經曰當令理通直從上至下直如弦
不得出邊絕理劉義恭啓事曰聖恩優重猥

賜華纓玉笏珍冠飾首琛板
耀握非臣朽薄所宜服受

與孟岐

擊錢鳳

郭子橫
洞冥記

曰孟岐清汝之逸周人也年可七百歲語及周初時事如目前岐時侍周公升壇上岐以手摩成王之足周公以玉笏與之晉記曰王敦以溫嶠為丹陽尹嶠內欲離敦而外飾讓錢鳳覺之未言嶠知將間已因敦公坐強鳳酒不肯飲嶠以手板擊鳳

譜晉王升之笏讚

慎為德要唯善用光敬上尊賢貴不踰常用制

斯器備對遺忘因事施禮升降有章

佩第六

叙

說文曰佩從人凡聲也佩必有巾從巾釋名

曰佩倍也言其非一物有倍貳也有珠有玉魚豢魏畧曰

有雙璜雙珩琚瑤衡牙琕珠為佩者漢明帝采古文始制蔡謨毛詩疑字議曰以為佩者服用之稱珮者玉器

之名稱其服用則字從人名其器則字從玉三禮圖曰
凡玉珮上有雙衡衡長五寸博一寸下有雙璜璜徑三
寸衡牙鑲珠以納其間上下為衡半璜為璜璜中橫以
衝牙以蒼珠為瑤禮記曰天子佩白玉公侯佩山玄玉
大夫佩水蒼玉世子佩瑜玉士佩瑜玟又曰孔子
佩象環五寸

謙不比德亦不事也象有文
理者也環取可循而無窮

鹽鐵論曰子

思銀佩晉宋舊事曰太皇太后崔鈕白玉佩搜神記曰
元康中婦人飾五兵佩白虎通曰所以必有佩者表意

見所能故修道無窮即佩環能大道德即佩琨能決嫌疑即佩玦是以見其所佩即知其能故農夫亦佩其耒耜工匠佩其斧斤婦人佩其針縷亦佩玉也禮記又曰君在不佩玉左結佩右設佩居則設佩朝則結佩

朝於君亦結左齊

則緒結佩而爵韉

緒屈也結又屈之思神靈不在事也爵韉者齊服玄端

又曰古

之君子必佩玉右徵角左宮羽

玉聲所中也徵角在右事也民也可以勞宮羽

在左君也物也宜速

趨以采齊行以肆夏周旋中規折還中矩進

則揖之退則揚之然後玉鏘鳴也又曰主佩倚則臣佩

垂主佩垂則臣佩委事對嬪珠

象環

並見

紉蘭

連

若

楚詞曰紉秋蘭以為佩王逸注曰紉索也蘭香草也秋而芳所以為佩飾也又曰連蕙若以為佩過鮑肆

而失

捨玦

解環

孔叢子曰子產死鄭大夫捨佩玦婦女捨珠玉也劉向列女傳曰齊桓公

沓

行霸諸侯朝之衛獨不至公謀伐衛衛姬脫替珥解環珮再拜詣衛之罪公悅許諾

俘商

獻楚

周書曰武王俘商得珮玉億有八萬左傳曰蔡昭侯為兩珮如楚以一珮獻昭王子常欲其一弗與三年止之

獻於子常

雙渠璜

六火玉

董巴漢輿服志曰漢孝明皇帝乃為大珮衝牙雙渠

乃得歸
璜皆以白玉漢武帝內傳曰上元大夫帶六出火玉之珮

遺澧浦

解江濱

楚辭曰捐余玦

兮江中遺余珮兮澧浦列仙傳曰江濱二女者不知何許人步漢江濱逢鄭交甫挑之不知神人也女遂解珮

與之交甫悅受珮而去數十步空懷無珮女亦不見啓梁簡文帝謝賜玉珮啟
臣

綱

言主衣裘智瑋奉宣勅旨垂資臣玉珮一具藍田麗采槐水縷文飾以金闕之珠製以魯班之巧故以裾端照

色影外生光思發內府猥垂霑賜臣方溫謝德比振慙聲沐浴深慈欣荷交至不任云云齊褚彥回謝

賜珮啟

傳詔宣勅賜臣玉珮一具製樵姬羸寶冠荆越璇瑰鎮曜珩玦凝華采賁蓮楹響聞繩戶佩服

載驚心容交暢

履第七

叙事

世本曰於則作屣履釋名曰履禮也飾足以

為禮亦曰履拘也所以拘於足也齊人謂草履曰屣不

借言賤易有宜各自蓄不假借也說文曰鞞小兒履也

又韃革履

賈子曰天子黑方履諸侯素方履大夫素圜履晉

履令曰士卒百工履色無過綠青白奴婢履色無過純

青古繪賣者一足著白履一足著黑履鹽鐵論曰古者

庶人麤扉草履今富者韋沓絲履事對履霜行雪

毛詩

曰大東小東杼軸其空糾糾葛屨可以履霜史記曰東郭先生待詔公車貧困飢寒衣敝不完行雪中履有上無下足盡踐地

養體

飾足

孫卿子曰麤絲之履可以養體也飾足事見叙事

跪遷坐取

禮記曰嚮長者而屨跪而遷屨俯而納屨又曰君子之飲酒三爵而退則坐取屨隱

避而納丹豹

綴朱纓

王子年拾遺記曰穆王起春霄之宮西王母來焉納丹豹文履

劉楨魯都賦曰織織絲履燦爛鮮新表以文綦綴以朱蠟

仲子織

嘯父補

皇甫謐高士傳

曰陳仲子字子終齊人適楚楚王欲以為相妻曰子織履以為食恬淡而無為樂在其中矣乃謝使者列仙傳曰嘯

父冀州人在曲周市中

文公墮

昭王決

韓子曰晉文公與楚人戰

至鳳皇之陵係履墮因自結之賈誼子曰昔楚昭王與吳人戰王敗走而履決失之行三十步復旋取左右問

曰何惜是一踣履乎王曰楚國雖貧豈愛一踣履哉思與偕出弗與反也詩後梁宣帝詠履

詩

雙見應聲宣並飛時表異處卑彌更妍常安豈悲墜

銘晉傅玄履銘

戒之哉念履正無履邪正

者吉之路邪者凶之徵

後漢李尤文履銘

乃製茲履文質武斌允顯明哲卑以牧身步此堤道

絕彼埃塵

裘第八

事叙

說文曰裘皮衣也白虎通曰所以佐女工助

溫也古者緇衣羔裘黃衣狐裘禽獸衆多獨以狐羔取

其輕暖因狐死首丘明君子不忘本也羔取其跪乳遜

順也禮記曰孟冬之月天子始裘周官曰司裘為大裘

以供王祀天之服

羔裘也

仲秋獻良裘乃行羽物

鄭玄注
黼裘也

行羽物飛
鳥賜羣吏

季秋獻功裘以待班賜

狐青麋裘之屬鳩化為鷹故於此時為賜

五經要義曰諸侯黼裘以誓田雜羔裘為黼文也禮記

曰君衣狐白裘錦衣以謁之君子狐青裘豹褱玄綃衣以謁

之麕裘青豸裘絞衣以裼之

豸胡犬也絞蒼黃之色

羔裘豹飾緇

衣以裼之狐裘黃衣以裼之錦衣狐裘諸侯之服也犬

羊之裘不裼

庶人無文飾

裘之裼也見美也五經要義曰古

者著裘於內而以繒衣覆之乃加以朝服朝會之時袒其

朝服見裘裏覆衣謂之裼裼之言露可見之辭所以示

美呈好而為飾加以朝服謂之襲袒謂之裼大裘不覆

反本取其質也毛詩咏公子狐狸裘舟人熊羆裘晉令

曰山鹿白狔遊毛狐白貂領黃貂班白鼯子渠搜裘皆

禁物事對狐掖

雉頭

王褒四子論曰千金之裘非一狐之掖晉咸寧起居注曰大司

馬程據上雉頭裘一領詔曰據此裘非常衣服消費功用其於殿前燒之

黑貂

青鳳

戰國策曰

蘇秦說李兌送秦黑貂之裘黃金百鎰王子年拾遺記曰周昭王以青鳳之毛為二裘一曰煥質一曰暄肌

常以禦寒也

素錦

紫綈

禮記鄭玄注曰君衣狐白毛之裘則以素錦為衣覆之可使褐也西

京雜記曰慶安年十五為成帝侍郎善鼓琴趙后悅之白上得出入御內絕見愛幸常著紫綈裘與后同居

鵠氎

鳳毛

劉義慶世說曰謝萬與安詣簡文著白綸巾鵠氎共談移日鳳毛見青鳳注中

豹

襜

羔袖

管子曰武王為侈靡令曰豹襜豹裘方得入廟故豹皮百金功臣之家享千鍾而未得一

豹皮左傳曰齊以豹寄衛侯右宰穀從而逃歸衛人將殺之穀辭之曰余不悅初矣余狐裘而羔袖乃赦之杜

預注曰狐裘羔袖言一身盡善唯

鵲鵲

狐貉

西京雜記曰司

馬相如與卓文君還成都居貧愁懣以所服鵲鵲裘就市鬻酒與文君為歡論語曰緇衣羔裘素衣麕裘黃衣

狐裘褻裘長短右袂必有寢衣長一身有半狐貉之厚以居

青豸

玄狐

青豸事見叙事黃帝

出軍決曰黃帝伐蚩尤未克西王母遣人被玄狐之裘以符授之

三英

千鎰

郭璞毛詩拾遺

曰羔裘晏兮三英粲兮毛詩注曰三英三德也英謂古者以素絲英飾裘即上素絲五紵也墨子曰江河之水

非一源千鎰之裘非一狐白

玄華

翠雲

玄華具下謝莊表中宋玉風賦曰主人之女翳承日

之華被翠雲之裘

狐青

狔白

狐青見叙事魏志曰夫餘國人如狐狸狔白黑貂之裘也

吉

光粹白

東方朔十洲記漢武帝天漢三年西國王獻吉光毛裘色黃蓋神馬之類入水不濡入火不

焦呂氏春秋曰天下無粹白之
狐而有粹白之裘取諸衆白
啓梁簡文帝謝東宮賜

裘啓

綱啓蒙賚豹裘一領降斯止謗垂茲信服物華雉
毳名高燕羽綱才慙齊相受白狐之飾德謝漢蕃

均黑貂之賜地卷朔風庭流花雪故以裾生惠氣袖起
陽春荷澤知慙瞻恩興戀不任下情謹啓事謝聞謹啓

表宋謝莊謝賜貂裘表

臣莊言主衣黃達宣勅賜臣貂
裘匭發衽開玄華有曜靡毫柔

毳黠鑑自凝固以綵越縱輦光逾緝薦臣聞嘖笑不忘
韓裳勿假續有昭庸楚纊爰建臣歡忭自歌而同委衾
之澤勤劬未報而叨解裘之寵空荷榮施徒賁微軀承
殊恩必識服以淪生銘悅之情罔知所寘臣受假無由
躬拜謹遣表

衫第九

叙

劉熙釋名曰衫芟也衣無袖端也揚雄方言

曰陳魏宋楚之間謂之襜或謂之單襦晉東宮舊事曰
太子納妃有白縠白紗白絹衫並紫結纓魏文帝列傳
曰吳選曹令史劉卓病荒夢見一人以白越單衫與之
言曰汝著衫汗火燒便潔也卓覺果有衫在側汗輒火
浣之劉敬叔異苑曰母丘儉征沃沮使王傾窮其東界
父老云曾有破舩從漢海流得布衫身如中人但兩袖
頗長三丈事對白紗絳納車灌晉循復山陵故事曰
梓宮衣物練單衫五領練
複衫五領白紗衫六領白紗縠衫五領宋起居注曰太
始二年御史中丞羊希奏山陰令謝沈親憂未除常著

青絳納兩襠衫諸
免沈前所居官也

納布

織成

沈約宋書曰徐湛之母
會稽公主高祖微時有

納布衫襖等衣皆是敬皇后手自作高祖既貴以此衣
付公主曰後代若驕奢不節者可以此示之祖台之志
怪曰建康小吏曹著為廬山使君所迎配以文婉著形
意不安屢求請退婉潜然流涕賦序别并贈織成禪衫
也

裙第十

叙事

釋名云裙連接裙幅也緣裙裙施緣也揚雄

方言曰陳魏之間謂裙為帔

音披

繞衿謂之裙續漢書曰

漢明德太后禿裙不緣五行志曰獻帝時女子好為長
裙而上甚短西京雜記曰趙飛鸞立為皇后其弟上遺

織成裙晉東宮舊事曰皇太子納妃有絳紗複裙絳碧

結綾複裙丹碧紗紋雙裙紫碧紗文雙裙紫碧紗文繡

纓雙裙紫碧紗縠雙裙丹碧杯文羅裙晉宋舊事曰崇

進皇太后為太皇太后有絳碧絹雙裙絳絹襦屬裙絹

絳紗複裙白絹裙事對絳紗

絹綺

絳紗見敘事古樂府陌上採桑曰秦

氏有好女自名為羅敷細綺為下裳紫綺為上襦

薜荔

芙蓉

楚辭曰採薜荔以為裳揚雄反

離騷曰衿芰荷之綠衣兮被芙蓉之朱裳

白蛻

青羽

楚辭曰青雲衣兮白蛻裳舉長矢兮射天

狼真人三君內傳曰南極夫人被錦服青羽裙也

紫碧

絳絳

紫碧具敘事中車灌晉循復山

陵故事曰梓宮衣物

有緇絳雙裙六腰

四等

三條周裴汝南先賢傳戴良嫁女緣裙四等繁

欽定情詩曰何以合

歡欣紈素三條裙

詩陳蕭鄰詠裙複詩晶晶金紗淨離離寶縫分

纖腰非學楚寬帶為思君

酒第十一事叙說文曰酒就也所以就人性之善惡也一

曰造也吉凶所起造也釋名曰酒酉也釀之米麴酉懌

而味美也亦言踧也能否皆彊相踧持飲之也漢書曰

酒者天之美祿帝王所以頤養天下享祀祈福扶衰養

疾百福之會酒經曰空桑穢飯醢以稷麥以成醇醪酒

之始也烏梅女麴

胡板反

酤醕乳

九投澄清百品酒之終

也說文曰醕

逢

酒母也醴酒一宿熟也醪汁滓酒也酎

三重之酒也醕薄酒也醕旨酒也儀禮鄭玄注曰醴稻

米酒也世本曰儀狄始作酒醪變五味少康作秫酒春

秋緯曰凡黍為酒陽據陰乃能動故以麥釀黍為酒

麥陰

也是先漬麴黍後入故曰陽相感皆據陰也相得而沸是其動也凡物陰陽相感非唯作酒

周禮曰

酒正掌酒之政令以式法授酒材辨五齊之名一曰泛

齊二曰醴齊三曰盎齊四曰醖齊五曰沉齊

以節度作之故以齊

為名泛者成而浮澤泛泛然如今宜成醪矣醴猶體也
成而汁滓相將如今甜酒矣盎猶甕也成而色翁翁然
如今酇白酒矣醖者成而紅赤如今若
下酒矣沉者成而滓沉如今造渭酒也辨三酒之物一

曰事酒二曰昔酒三曰清酒

事酒如今之醪酒也昔酒久酒今之舊醪也清酒今

之冬釀夏成者也

韓詩曰夫飲之禮不脫屨而即序者謂之禮

跣而上坐者謂之宴能飲者飲之不能飲者已謂之醕

齊顏色均衆寡謂之沉閉門不出者謂之湏故君子可

以宴可以醕不可以沉不可以湏禮記曰夫豢豕為酒

非以為禍也而獄益繁則酒之流為禍也是故先王因

為酒禮一獻之禮賓主百拜終日飲酒而不得醉焉此

先王之所以備酒禍也周禮曰萍氏掌謹酒

使人節用酒

孔

叢子曰昔平原君與子高飲強子高酒曰昔有遺諺堯

舜千鍾孔子百觚子路嗑嗑尚飲百榼古之賢聖無不

能飲也吾子何辭焉子高曰以予所聞聖賢以道德兼

人未聞以飲也平原君曰即如先生言則此言何生子

高曰生於嗜酒者蓋其勸勵之辭非實然也事對玄碧

縹青

列仙傳曰安期先生與神女會圓邱酣玄碧之香酒曹植賦曰蒼梧縹青

宜春贊

夏

吳錄曰安成宜春縣出美酒風土

琬液

瓊蘇

拾遺記曰

王母薦穆王琬液清觴南岳夫人

梁市

阮廚

列仙傳曰酒客

梁市上酒家客也作酒常美日得萬錢有過而逐之主

校斷蒲

切桂

萬畢術注曰斷蒲漬酒中即厚楚詞

醪 盞齊

黃石公記曰昔者良將有饋軍醪者投

程鄉

吳錄曰湘東有鄴水酒有名荆

青田

玄毫

古今

記曰烏孫國有青田核得水則有酒味甚淳美如好酒

飲盡隨更注水隨盡隨成不可久久則苦不可飲名曰

青田酒抱朴子曰玄毫傾弃

鎬飲

沛酣

詩曰王在在鎬豈樂飲酒

史記曰漢高祖過沛置酒酣乃擊筑為歌歡伯敗首易林曰酒為歡伯除憂來樂陳壽益部傳

曰楊子拒妻劉懿公女也字公璞貞烈達禮有四男二女拒亡教遵閨門動有法則長子元琮常出飲酒還舍

母不見十日因諸弟謝過乃數責之曰夫飲酒有不至酒者禮也汝乃沉荒慢而無敬自倡敗首何以帥先諸

弟舉兕持螯左傳曰晉趙孟叔孫豹曹大夫入於鄭鄭伯兼厚之穆叔子皮曹大夫與拜舉

兕爵曰小國賴子知免於戾矣何法盛晉中興書曰畢卓常謂人曰右手持酒杯左手持蟹螯拍浮酒池中便

足了一弗淫有蕕左傳曰酒以成禮不繼以淫毛詩曰伐木許許醕酒有蕕注曰以筐

美也醕蕕軍法觴政史記曰高后立諸呂為王王擅權用事朱虛侯劉章入侍高后宴飲

高后令章為酒史章曰臣將種也請以軍法行酒高后曰可酒酣諸呂有一人亡酒章追拔劔斬之乃還報曰

有亡酒一人臣謹行軍法斬之劉向說苑曰魏文侯與
大夫飲使公乘不仁為觴政曰飲不盡者浮以太白文
侯飲不盡不賦西晉張載鄴酒賦惟聖賢之興作貴垂
功而不泯嘉康狄之
仁舉白浮君賦先識亦應天而順人擬酒旗於玄象造甘醴以頤神雖
賢愚之同好似大化之齊均物無往而不變獨居舊而
彌新經盛衰而無廢歷百代而作珍若乃中山冬啓醇
酎秋發長安春御樂浪夏設漂蟻萍布芬香酷烈垂嘉
稱於百代信人神之所悅末聞珍酒出於湘東丕顯於
皇都潜淪於吳邦往逢天地之否運今遭六合之開通
播殊美於聖載宣至味而大同匪徒用法之窮理信泉
壤之所鍾故其為酒也殊功絕倫三事既節五齊必均
造釀在秋告成在春備味滋和體色淳清宣御神志導
氣養形遣憂消患適性順情言之者嘉其旨美味之者
弃事忘榮于是糾合同好以遊以遊嘉賓雲會矩坐四
周設金樽於南楹酌浮觴以旋流備鮮肴以綺錯進時

膳之珍羞禮儀攸序是獻是酬頽顏微發溫思凱休德音晏晏宏此巖猷咸得志以自足願棲遲於一丘於是懽樂既洽日薄西隅主稱湛露賓歌驪駒僕夫整駕言旋其居乃憑軾以迴軌騁輕駟於通衢反衡門以隱迹覽前聖之典謨感夏禹之防微悟儀氏之見疏鑒往事而作戒罔非酒而惟愆哀秦穆之既醉殲良人而弃賢嘉衛武之能悔著屢舞於初筵察成敗於往古垂將來於茲篇

漢鄒陽酒賦

清者為酒濁者為醴清者聖明

濁者頑騃皆麴渾丘之麥釀野田之米沅光醱醱甘滋泥泥醪醴既成綠瓷既啓且筐且漉載載載濟庶人以為欣君子以為禮其品類則沙洛綠鄴烏程若下齊公之清關中白薄青渚紫渟凝醱醇酎千日一醒

揚雄

酒賦

鴟夷滑稽腹大如壺盡日盛酒人復藉酤常為國器託於屬車猶是言之酒何過乎

啓梁劉

孝儀謝晉安王賜宜城酒啟

孝儀啓奉教垂賜宜城酒四器歲暮不聊在陰即慘惟斯

二理揔萃一時少府鬪猴莫能致笑大夫落雉不足解
顏忽值瓶瀉椒芳壺開玉液漢樽莫遇殷杯未逢方平
醉而遁仙義和耽而廢職仰憑珠途便申私飲未曷疊
耻已觀幘岸傾耳求音不聞霆擊澄神密眊豈覩山高
愈疾消憂於斯已驗遺榮忽賤即事讚東晉戴逵酒讚
不欺醅酤之中猶知銘荷不任云云

余與王元琳集于露立亭臨觴撫琴有味乎二物之間
遂共為之讚曰醇醪之興與理不乖古人既陶至樂乃
開有客來之隗若山頽目絕羣動

誠庾闡斷酒誠

蓋神

耳隔迅雷萬異既冥惟無有懷

慧人之所以靈也好惡情欲人之所以生也明智運於
常性好欲安於自然吾以知窮智之害性任欲之喪真
於是推金疊碎玉

歲劉惔酒歲

爰建上業曰康曰狄作
酒于社獻之明辟仰郊

吳天俯祭后土歆禱靈祇辨定賓主
啐酒成禮則彝倫攸叙此酒之用也

頌晉劉伯倫酒頌

有大人先生以天地為一朝萬期為須臾日月為扁牖
八荒為庭衢行無轍跡居無室廬幕天席地縱意所如
止則操卮執觚動則挈榼持壺唯酒是務焉知其餘有
貴介公子搢紳處士聞吾風聲議其所以乃奮袂攘襟
怒目切齒陳說禮法是非蜂起先生于是方捧甕承槽
銜杯漱醪醺然箕踞枕麴藉糟無思慮其樂陶陶兀
然而醉恍爾而醒俯觀萬物擾擾焉如江
漢之浮萍二豪侍側焉如果蠃之與螟蛉

飯第十二

叙事

春秋運斗樞曰粟五變以陽化生而為苗

秀為禾三變而粢謂之粟四變入臼米出甲五變而粢

飯可食周書曰黃帝始烝穀為飯周禮曰膳夫掌王之

食飲

食飯也飲酒漿也

食用六穀

稌黍稷粱麥
苽菰彫胡

禮記曰黍稷稻

梁黃梁糲糲

孰獲曰糲
生獲曰糲

呂氏春秋曰飯之美者玄山之

禾不周之粟陽山之稌南海之秬闕澤九章曰粟飯五

十糲飯七十稗飯五十粢飯四十八御飯四十二風土

記曰精折米十取七八取淅使青烝而飯色乃紫紺於

東流水飯食與洗而除不祥王烈之安成記曰安成郡

毛亭往同亭三十里二亭田疇膏腴厥稻馨香飯若凝

脂周禮曰凡食齊視春時

飯宜溫
齊調和

宋東宮儀記曰掌侍臣

常食唱飯二人禮記曰毋搏飯毋放飯毋揚飯衛宏漢

舊儀曰齊則食文二人旋案陳三十六肉九穀飯潛夫
論云夫梁飯食肉有好於面目不若糲梁藜蒸之可食
於口也韓子曰孫叔敖為令尹糲飯菜羹晏子春秋曰
晏子相齊食脫粟飯宗躬孝子傳曰吳人陳遺為郡吏
母好食鍋底焦飯遺在役恆帶一囊每煮食取焦者以
貽母東方朔神異記曰東方有人名黃父以鬼為飯以
霧為漿崔鴻前秦錄曰符堅以乞活夏默為左鎮郎以
護磨那為右鎮郎以奄人申香為拂蓋郎默等身長

一丈八尺並多力善射三人每食飯一石肉三十觔事

對芳菰

奇稌

曹植七啓曰芳菰精稗霜蓄露葵陸機七徵曰神臯奇稌嘉禾之穗含滋發馨

素頰

玉銳精粦

濡潤

左傳曰大羹不致菜食不粦杜預注曰不精粦也傅巽七誨曰孟冬香杭

上秋膏梁彫胡菰子丹具

脫粟

折杭

漢書曰公孫弘為丞相封侯食

一肉脫粟之飯魚鮓魏略曰大祖朝王朗曰不能効君昔會稽折杭米飯朗曰適宜實難如朗者未可折明公

今日可折

饌簋

陪鼎

毛詩曰有饌簋殮有棣棘七毛萇注曰饌滿簋貌殮熟食左傳

曰宴有好貨食有陪鼎禮之至也

大梁之黍

不周之粟

張協七命曰大梁之黍瓊

山之米唐稷播其根農帝嘗其華不周粟事見叙事

西旅

東牆

王粲七釋曰西旅遊梁御宿素

粳水州紅麴黍相半軟滑膏潤入口流散東牆事見濡潤注

南海之柁 東湖之菰

南海柁見叙事徐幹七喻曰南土之杭東湖之菰

粥第十三

叙事

廣雅曰粥糜饘也釋名曰糜煮米使糜爛

也粥濯於糜粥粥然也周書曰黃帝始烹穀為粥風土

記曰天正日南黃鐘踐長是日始牙動為饘粥以養幼

俗尚以赤豆為糜以象色也天文要集曰玉井主粥厨

郭義恭廣志曰遼東赤梁魏武帝以為御粥南越志曰

廬陵城中有井半青半黃黃者甜滑宜作粥色如金似

灰汁甚芬馨左傳曰鼎銘有云饘於是粥於是

口說文曰周謂之饘宋衛謂之餼揚雄方言陳楚之內

相謁食麥謂之餐

扶味反

鄴中記曰并州之俗以冬至後

百日為介子推斷火冷食三日作乾粥中國以為寒食

涼州異物志曰高昌僻土有異於華寒服冷水暑啜羅

閣郡人呼粥事對擲杯

納橐

郭林宗列傳曰林宗嘗止陳國文學見童子魏德公求近

其房供給灑掃林宗嘗不佳命中夜作粥一啜怒而訶之曰為長者作粥使沙不可食以杯擲地德公更為進之三訶德公終無變容左傳曰晉人執衛侯真諸深室甯子職納橐饘焉杜注饘糜粥也

屑麴 芥

冰

徐廣晉志曰愍帝建興四年京城糧盡屑麴為粥以供帝食魏武帝苦寒行曰行行日已遠人馬同時飢

擔橐以取薪斧冰持作糜

烹穀

泛膏

烹穀事見叙事齊諧記曰吳縣張成夜起忽見一婦人立

於宅南角舉手招成曰此地是君家之蚕室我即是此地之神明年正月半宜作白粥泛膏於上以後年年大

得蚕今之作

劉家發盆

尹氏羅鼎

續搜神記曰樂安劉池荀家在夏口

膏糜象此

忽有鬼來劉家喜偷食劉即於他家煮冶葛取二升汁蜜貴還家向夜舉家作粥食餘一甌因寫葛汁著中於瓦上以盆覆之人定後聞鬼從外來發盆啖糜既須臾間在屋頭吐於此遂絕錄異傳曰周時尹氏貴盛五葉不別會食數千人遭饑荒羅鼎作粥聽之聲聞數十里

肉第十四

叙事

說文曰肴雜肉也腌漬肉也臠宗廟熟肉

也穀梁曰脰者俎實祭肉也生曰脰熟曰膳蓋社肉也

爾雅曰肉曰脫之

剝其皮也

揚雄方言曰朝鮮冽水之間凡

暴肉及牛羊五臟謂之膊家語曰夫食肉者勇悍禮記

曰濡肉齒決乾肉不齒決又曰熬捶之去其皽

音展

編萑

布牛肉焉屑桂與薑以洒諸上而鹽之乾而食之欲濡

肉則釋而煎之以醢欲乾肉則捶而食之魚豢典略曰

凡宗廟三歲大祫每太牢分之左辨上帝右辨上后俎

餘委肉積於前數千觔名堆俎事對鵠鵠

猩猩

王充論衡

曰仲子兄祿萬鍾以兄之祿為不義之祿而不食之以兄之室為不義之室而不居也避兄離母處於於陵他日歸有饋其兄生鵝者曰惡用是鵝鵝者他日其母殺是鵝與之食其兄自外來至曰是鵝鵝者之肉而仲子耻負前言即吐而出之呂氏

春秋曰肉之美者猩猩之脣

烏街

鼠盜

漢書曰烏孫王昆莫父難

兜靡小國也大月氏殺奪其地而就翎侯抱置草中遠見獸乳之又有烏街肉翔莫傍以為神持向匈奴又曰張湯父為長安丞出湯守舍鼠盜肉還怒笞湯湯掘得鼠及餘肉劾鼠傳爰書訊鞠論報并取鼠與肉具獄磔於堂

寘莖

持蒲

國語曰驪姬以君命命申生曰令君夢見齊姜必速祠之申生祭於曲沃

歸胙于絳公田驪姬乃寘鵝于酒寘莖於肉賈逵注曰莖烏頭也臧榮緒晉書曰趙高為丞相指鹿為馬持蒲作熊蹯雞跖

左傳晉靈公使宰夫煮熊蹯不熟殺之寘諸舂載以過朝又曰楚太子商臣以

宮甲圓成王諸熟熊蹯而死不聽呂氏春秋曰
善學者若齊王食雞必食其跖數千而後足也
殷圃

夏山

公孫尼子曰殷紂為肉圃帝
王世紀夏桀為肉山脯林

登俎

寘橐

左傳曰
公將如

崇觀魚臧僖伯曰鳥獸之肉不登於俎則公不射古之
制也又曰趙宣子田於首山舍翳桑見靈輒餓食之舍

其半曰官三年矣未知母之存否請以
遺之使盡之簞食與肉寘諸橐以與之
屠門嚼里社

均

桓譚新論曰人聞長安樂出門西向笑人知肉味美
即對屠門而嚼漢書曰陳平為里中社分肉甚均里

父老曰善哉陳孺子之為宰平
曰使平得宰天下亦如此肉

象白

鷩翠

張協七命
曰封熊之

蹯翰音之趾鷩鷩程屠髦殘象白呂氏
春秋曰肉之美者雉鷩之翠迷蕩之腕
龍肝鷩鷩傳

七謨曰燔鳳皇之胎掾飛
龍之肝鷩鷩事見象白注
牛脾豬肝
劉敬叔異苑曰
山陰有人常食

牛肉左脾便作牛鳴每勞輒劇食乃止東觀漢記曰閔仲叔客居安邑老病家貧不能置肉日買一片豬肝

無損

追復

神異經曰南方有獸名曰無損其肉唯可作鮓又十洲記曰崑崙銅柱下有回屋焉

壁方丈上有鳥名曰希左翼覆東王公右翼覆西王母其肉若醯仙人甘之追復與天消息不仙者食之其肉

苦如醯

羹第十五

叙

釋名曰羹注也汁汪郎也說文曰羹五味

和也燒豕肉羹也廣雅曰羹謂之涪淮南子曰豆之上

先大羹

大羹肉涪

禮記曰脯羹雉羹折稌犬羹兔羹和糝不

蓼

稌稻也凡羹齊以五味之

和米屑之糝蓼則不矣 繆襲祭儀曰夏祠和羹芼以

蔡秋祠和羹芼以葱冬祠和羹芼以韭周禮曰烹人於

祭祀共大羹鉶羹賓客亦如之禮記曰大羹不和劉楨

毛詩義問曰鉶羹有菜鹽豉其中菜為其形象可食因

以鉶為名禮記又曰羹食自諸侯以下至于庶人無等士

不貳羹馘子卯稷食菜羹羹居人之右無啜羹亦嫌疾無

絮羹調和也客絮羹主人辭不能烹史記曰堯之有天下

染糲之食藜藿之羹劉向新序曰紂王天下熊羹不熟

而殺庖人事對梅蘇 韭芼陸機毛詩草木疏曰梅杏類也其子赤而酢不可生

散煮而曝乾為蘇可著
羹臠中韭芼見叙事

染鼎

吹簞

左傳曰子公之食
指動謂子家曰必

食異味及入見靈公宰夫將解鼈子公相視而笑曰果
然及食大夫鼈羹召子公而弗與也子公怒染指于鼎

嘗之而出楚辭曰懲於羹者而吹簞王逸注曰
言人於獸羹而熱心中懲之見簞則恐而吹之烹猴

斟雉

淮南子曰楚有烹猴者而召其鄰人鄰人以為犬
羹而甘之後聞其猴據地而盡吐瀉其所食此未

知味者楚辭曰彭鏗斟雉帝何饗王逸注曰
彭鏗彭祖也好和滋味善斟雉羹事帝堯

子期走楚

羊斟入鄭

戰國策曰中山君饗大夫司馬子期在焉
羊羹不遍子期怒走楚楚王伐中山中山

君亡曰吾以一杯羊羹亡國劉向說苑曰鄭伐宋宋將
戰華元殺羊食士其御者羊斟不與焉及戰曰昔之羊

羹子為政今日之事我為政
賦張翰豆羹賦

孟秋嘉穀
垂枝挺英

是刈是獲充簞盈篚
香鑠和調周疾赴急

脯第十六

叙

釋名曰脯搏也乾燥相搏著也又曰脩脩

縮也乾燥而縮也說文曰脯乾肉也脩脯也搏

補莫反

薄

脯搏之屋上也腕骨脯也胸脯脰也周禮曰腊人掌乾

肉凡田獸之脯腊臠胖之事

夫物解肆乾之謂之乾肉薄切曰脯捶之而施薑桂

曰脩腊小物而乾者

祭祀共豆脯薦脯臠

呼

胖盧諶祭法春祠

用脯夏用醢

憑逼反

脯儀禮曰鄉飲酒主人立于西階東

薦脯使行出祖釋較祭脯士冠賓東面薦脯禮記又曰

婦人之贅脯脩大夫燕禮有脯無膾有膾無脯穀梁曰

束脩之肉不行境中有至尊者不貳事對濁氏 腊人

漢書曰濁氏以胃脯而連騎張里以馬鑿而擊鐘腊人事見叙事

追復

不減

東方朔神異經

曰西北荒有遺酒追復脯焉其味如麋食一片復一片葛洪神仙傳曰左慈詣劉表請犒軍有酒一器脯一盤

百人接酒賜兵人人三杯酒一片脯萬人皆周而酒器如故脯亦不減

四脰

二胸

公羊傳曰

魯昭公出奔齊侯使高子執筭食四脰脯稽首以袵受何休注曰屈中曰胸申曰脰呂氏春秋曰趙宣子將之

絳見翳桑之下有餓人宣子與脯二胸拜受而不敢食問其故曰臣有母持以遺之宣子更賜之脯二束遂去

仙麟 冰鼠

葛洪神仙傳曰王方平至蔡經家與麻姑共設有膳擗脯而行如巧狢炙云是麒麟

脯東方朔神異經曰北方有曾冰萬里厚百丈有
麤鼠在冰下食冰下草水肉重萬斤可以作脯 瓊枝

金矢

楚辭曰折瓊枝以為羞王逸注曰羞脯也周易
曰噬乾肺得金矢王肅注曰四體純陰卦骨之

象骨在乾肉肺之象金象所以獲野禽以食之
反得金矢君子於味必思其毒於利必備其難 堯箴

紂林

王充論衡曰堯庖厨中自生肉脯如簋
形搖鼓生涼六韜曰紂以脯肉為林

正脅通幹

左胸右末

杜育菽賦曰脯則正脅通幹麕鹿肥廩禮
記曰以脯脩置者左胸右末鄭玄注曰屈

中曰 賦唐陳子昂塵尾賦

天之浩浩兮物亦芸芸性命
變化兮如絲之紛或以神好

正直天蓋默默或以道惡強梁天亦茫茫此仙都之微
獸固何負而離殃始居幽山之藪食乎豐草之鄉不害
物以利已不營利以同方何忘情而委代而化情之不
忘卒罹網以見逼授庖丁而離傷不以斯尾之有用而

殺身於此堂為君彫俎之羞廁君金盤之實承主人之嘉慶對象筵與寶瑟雖信美於茲辰詎同歡於疇昔客有感之而嘆曰命不可思神亦難測吉凶悔吝未始有極借如天道之用莫神于龍受戮為醢不知其凶王者之瑞莫聖於麟遇害於野不知其仁神既不能自智聖亦不能自知况林棲而谷走及山鹿與野麋古人有言天地之心其間無巧冥之則順動之則天諒物情之不一異又何有於情矯故曰天之神明與物推移不為事先動而輒隨是以至人無已聖人不知子欲全身而遠害曾是浩然而順斯

餅第十七

叙

釋名云餅并也漉麥麵使合并也胡餅言

以胡麻著之也說文曰餅麵餈也揚雄方言曰餅謂之飢或謂之餈或謂之餈徐暢祭祀五月麥熟薦新起漉白

餅崔實四民月令曰立秋無食煑餅及水溲餅崔鴻前

趙錄曰石季龍諱胡改胡餅曰麻餅事對下乳 晏頭

范江祠制曰夏薦下乳餅臚孟秋下雀瑞孟冬祭下水
引盧諶祭法曰春祠用鬯頭餠餠髓餅牢九夏秋冬亦

如之夏祠別用乳 麵起 水引 蕭子顯齊書曰永明九
餅冬祠用環餅也

薦宣皇帝麵起餅又曰何戢為司徒左長史太祖為領
軍與戢來往數置歡宴上好水引餅戢令婦女躬自執

事以設 十字 一筍 王隱晉書曰何曾尊豪累世蒸餅
上焉 上不作十字不食東觀漢記曰光

武問第五倫曰聞卿為市掾有人遺母一筍餅知從外
來奪之母遂探口餅出之倫對曰實無此衆人以臣愚

菽故為出 薄夜 亥日 荀氏四時列饌傳曰春祠有鬯
此言者也 頭餅夏祠以薄夜代鬯頭無能

作以白環餅雜五行書曰進壺公遺王悅葛洪神仙傳曰壺公

者從遠方來賣藥常懸一壺于坐上每日入後跳入壺市
據費長房于樓上見之知非常人也身為掃除并進餅公
令長房共跳入壺但見樓觀五色重門閣道侍者數十
人謝焯宋拾遺記曰瑯琊王悅少厲清操亮有風檢為
吏部郎郎鄙省有會同者遺悅餅一甌辭竟不
受曰所賣誠復小小然少來不欲當人之惠劉子揚知

鹽何平叔疑粉

皇甫謐玄宴春秋曰衛倫以郎應會于京師過予而論及於味倫稱魏故


侍中劉子揚食餅知鹽生精味之至也予曰昔師曠易牙
勞薪易牙別淄澠子揚之妙抑末乎倫曰晉師曠易牙
古之精也魏之子揚今之妙子何間焉錢啓語林曰何
平叔美姿儀面絕白魏文帝疑其著粉後正夏月喚來
與熱餅既噉之汗出隨以朱賦晉束皙餅賦若夫三春之
衣自拭色轉皎潔帝始信之初陰陽交際

寒氣既除溫不至熱于時享宴則暑頭宜設炎律方回
純陽布暢服絺飲冰隨陰而涼此時為餅莫若薄夜商
風既厲大火西移鳥獸毳毛樹木疏枝肴饌尚溫則起
漉可施玄冬猛寒清晨之會涕凍鼻中霜凝口外充虛
解戰湯餅為最然皆用之有時所適者也苟錯其次則
不能斯善其可以通冬達夏終歲常施四時從用無所
不宜唯牢丸乎爾乃重羅之麵塵飛白雪膠黏筋韌滌
液濡澤肉則羊膀豕脬脂膚相半醬如蛇首珠連礫散
薑蒜蔥本萃縷切判辛桂判末椒蘭是灑和鹽漉鼓攪
和膠亂於是火盛湯涌猛氣蒸作振衣振裳握搦拊搏
麵彌離於指端手縈回而交錯紛紛駁駁星分電落籠
無迸肉餅無流麵姝媮冽軟薄而不綻弱如春綿白若
秋練氣勃鬱以揚布香飛散而遠徧行人垂涎於
下風童僕空噉而邪盼擎器者舐唇立侍者乾咽序庾

闡惡餅賦序

范子常者嘗造予宿臞雞為餅遍食之情
甚虛竒嘉之味不實聊作惡餅賦以釋之

若乃董盧飛名於華肆和均絕技於俗廛王孫駭嘆于
曳緒束子賦弱於春繇色必霜葩雪皓肉則錦爭雲嫺



初學記卷二十六